

CORNVC.

PIAE IO. RAVI.

SII TEXTOTRIS

EPITOME.

*

Quæ res quibus orbis locis abundè pro-
ueniant, alphabetico ordine
complectens.



VIRTUTE DVCE,



COMITE FORTVNA.

APVD SEB. GRYPHIUM
LVGDVNI,
1551.

R. F.

Amphitryoniadem mouit Calydonius amnis
Fortia pro molli praelia Marte gerens.
Non tulit Alcides inuictum tam male uinci,
Quàm bene uictori Deianira fuit.
Dum fugit in formas, tauriq; in imagine pugnat,
Et uictus mugit trux Achelous humi,
Iam simul & pulchram cum cornu perdit amicam:
Nonnihil at laudis frons lacerata dedit.
Fudit opes uarias pleno bona copia cornu,
Et sacrata suis pendet adusq; tholis.
Quam reparat Textor totum dum permeat orbem,
Omnia perlustrans ut meliora ferat.
Hos texit flores solus quos nouit Apollo,
Quosq; suis hortis clara Minerua legit.
Victor Alexicacus domitor uirtute laborum
Pandit Textori quò uia laudis eat.

AD DOCTISSIMUM

VIRVM BLASIVM MADRONE-

TVM RAVISII TEXTORIS

EPIGRAMMA.



Vlla'ne librorum poterit satiare supellex,

Nulla tuam Blasi bibliotheca sitim?
Non adeò feruet, quem læsit aquatica di-
psas,

Aut bibitis Hydrops insaturatus aquis:
Vt tibi perpetuis studijs furiosa cupido
Crescit, & ad Musas impetuosus amor.
Si facis hoc, multo ut possis ditescere lucro,
Magnarumq; tibi crescat aceruus opum,
Desine te noster poterit saturare libellus,
Sis licet immani Crassus auaricia,
Omnia munifico dabit hæc tibi copia cornu,
Et Phrygio poteris ditior esse Mida.
Vis aurum & gemmas? Est gemmis diues & auro.
Vis ferrum & chalybem? Ferrum habet, & chalybem.
Fingere uis statuas? Bimaris dabit æra Corinthi.
Queris habere rosas? Floret ubique rosis.
Vis armenta? Dabit Spartani armenta Galeæ.
Queris mella? Dabit quicquid Hymettus habet.
Vngere uis crines, uel corpus aromate? Plena est.
Queris aues? Auibus plena & operta sonat.
Queris opes alias? Rhodium tibi proferet imbrem.
Vis cerasos? Cerasis plurima ubique rubet.
Vis mensas? Mauri citrum tibi mittet Atlantis.

Aa 2

Pruna

Prunæ dabit quicquid præca Damascus alit.
Dat cedros Libani, dat quas parit Ida, cupressos,
Cinnama, quæ mittit diues odoris Arabs.
Lucrini conchas, Graia Sicyonis alutam,
Hic dabit Argos equos, India diues ebur.
Electrum Aethiopes, fruges Cerealis Elcusis,
Hybla fauos, flores Enna, uetusq; Samos.
Ostrum antiqua Tyros, lanæ imbellæ Tarentum,
Sassina lac, Memphis stamina, Sparta canes.
Ne tua maiores remorentur seria nugæ,
Hoc licet exiguo munere diues eris.
Non tot opes habuit Babylon, non præca Corinthus,
Non tot sceptri feri possidet arca Iouis.

CORN

CORNVCOP

PIAE IO. RAVISII

TEXTORIS

EPITOME.

*

PRAEFATIO.



ON uideo, unde sequens opusculum (quod à rerum multitudine CORNVCOPIAE appellare libuit) commodius, ac decenter magis auspicari liceat, quàm ab Auro. Scribit Plinius, Senatū Romanū lōgo tempore exiguum habuisse aurū: adeo, ut quā à Gallis capta urbe pax emeretur, nō plus quàm mille pōdo dari potuerint. Homerus scribit, Viros olim crinibus aurum implicuisse: ut nunc frequens est, & peculiare Anglis, aureas catenas collo inuolutas ostentare. Gallos cum auro pugnare solitos Torquatus indicio. In Quintiorū familia aurum nec scēminas quidem habere moris fuit. Romani, auxiliares externos torquibus aureis donauere, ciuicos non nisi argenteis: Creuit paulatim omnium rerum luxuria, quum homines gustato uoluptatis succo lapsi sunt in ebrietatem. Nam Bruti temporibus, mulieres pedibus aurum gestare cœperūt, nedum collo & digitis. Poppæa Neronis uxor soleas aureas suis equis fecisse legitur. Antonius Triumuir corporis excrementa non nisi uasis aureis excipiebat. Ferunt Agomencelum, Alexandri magni præfectum, aureis clauis crepidas suffixisse. Aureus nummus post annum LXXI. percussus est, quàm argenteus. Spartacus interdixit castris suis, ne quis aurum haberet, aut argētum. In Tygris alueo oppidum est Babytace, cuius incolæ mortalium soli aurum in odio contrahunt. Esseni quæque (ut idem testatur libro v.) ab occidentali littore sine ulla scēmina & sine pecunia degunt. Quod utinam imitarentur nostrates. Non tot insidiis humana uita circumueniretur. Non esset tam frequens uenenum usus. Omnes maiore animi tranquillitate uiuerent, & profundiore dormirent somno. Cessarent, quæ inde enascuntur,

belli contagia. Neq; aliena prosperitas retorto limaretur oculis. Sed furdis cano. Si me rupero, quod iam inualuit malum nō solum nō abolebo, sed nec minuat quidē. Auro nihil igne deperit. Propterea tutum est ab incendiis, & rogis durante materia. Quinimo quo sēpius arsit, proficit ad bonitatē. Aurum ubi igne probatū est, uocatur obrizum & purum. Si auro liquefcenti gallinarum membra misceātur, consumunt illud in se, ita hoc uenenum auri est, inquit Plinius. Verrius apud eūdem testis est, Tunica aurea triumphasse Tarquinius Priscum. Nunc ueniendum est ad institutum, dicendumq; de iis locis, in quibus plurimum auri quondam repertum est.

LOCA DIVER.

SIS REBUS ABVN-

DANTIA.

Auro, & Aurifodinis.



Hispaniam metallis omnibus, nedū auro abundare docet Plin. Metallis (inquit) plumbi, æris, argēti, auri, tota ferme Hispania scater. Et lib. 33. Vicena (inquit) milia pōdo auri, ad hunc modū annis singulis Asturiā, atq; Gallectiam & Lusitaniā præstare quidā crediderūt, ita ut plurimū Asturia gignat. Itē Strabo: Aurū (inquit) argentum, æs, ferrum, nusquā terrarum, neq; tantū, neq; tam probatum generari ad Tyberii usq; tempora compertum est.

Iberia pars est Hispaniæ, quæ intra Iberum fluuium continetur, quam aurifodinis claram esse præter quæ iam diximus, docet etiam carmen Papinii lib. 3. Syl. scribentis: Quicquid ab auriferis eiecit Iberia fossis.

Posidonius scribit M. Marcellum exegisse tributū ex **Celtiberia** Hispaniæ parte ad talenta D C. Ex quo coniecturā facere est (inquit noster Budæus) Celtiberinā gentem numerosissimam fuisse, & pecunia abundantem. Eandem ob causam Catullus Celtiberiam uocat **Cuniculosam**: id est Cuniculis, seu fodinis refertam, ubi ait: Cuniculosæ Celtiberiæ fili.

Quis inficiabitur Tolosam Galliæ oppidum auri plurimum habuisse, quum Trogi testimonio, in eo reperta sint auri centum & decem milia pondo, argenti quinquies decies centena milia?

milia? Quæ summa quanti sit æstimanda, hinc licet obseruare, quod singula pōdo minoris centum aureis solatis æstimari nequeant. Hoc autem oppidum quum Q. Cepio Cōsul diripuisset, quisquis ex ea direptione aurū attigit, misero cruciabilīq; exitu periit, inquit Gellius. Vnde natum Adagium, Aurum habere Tolosanum, in Calamitosos.

Dalmatia regio est Illyrica, in qua aurū inuentum est principatu Neronis, tanta quidem copia, ut quinquagenas quotidie libras effunderet. Statius libro 1. Syll. Robora Dalmatico lucent satiata metallo.

Dardæ populi sunt Indiæ, auro fertilissimi. Vt Sætæ populi argenti. Autor idem Plin. lib. 6. In eorum regione formicæ aurum ex cauernis egerunt, cuius raptores si corripiāt, lacerant.

Pangæus mons est Thraciæ, quem auri fertilem esse docet Herodotus in Polyhymnia. Hac iter (inquit de Xerxe loquens) præter eos montes à manu dextra relinquens montem Pangæū, magnum atq; excelsum, in quo aurea sunt & argentea metalla. Plinius scribit, Auri metalla & conflatutam à Cadmo Phœnice in Pangæo monte reperta.

Capitalia, mons est Indiæ, auri itidem ferax. Plinius libro sexto de Indo loquens: Narçæ, inquit, deinde quos claudit mōs altissimus Indicorum, Capitalia. Huius incolæ alio latere auri & argenti metalla effodiunt.

Italiam auri fertilissimam fuisse contendit Virg. lib. 2. Georg. dicens: Hæc eadem argenti riuos, erisq; metalla Ostendit uenis, atq; auro plurima fluxit.

Clitarchus apud Plinium testis est Aethiopici maris insulas adeo fuisse opulentas, ut in earum una incolæ equos talentis auri permutarent.

Laureos est regio Atticæ, auri uenis frequens, Vnde natum adagium, Noctux Laureoticæ: de pecuniarum copia, quoniam numismatis Laureoticis Noctuarum figura insculpebatur. Hos debemus

Plinius libro 33. cap. 3. scribit, Suanorum gentem auri copia usque adeo abundare, ut regnum ipsum uelleribus aureis, trabisq; & columnis aureis & argenteis ubiq; scateat.

Dathus fuit Thasiorum colonia, quæ quod auri uenas habuerit, prouerbio sequenti locum fecit, Dathus bonorum. De conferta rerum opulentia, inquit

Thasus insula (cuius incolæ Thasii dicuntur) aurea quondam

dam uocata est à copia auri, quod ibidem effodiebatur.

Inter loca auri feracia, nonnulli etiam fluiui numerantur, ut **Tagus** Hispaniæ, **Padus** Italiæ, **Hebrus** Thraciæ, **Pactolus** Asiæ, **Ganges** Indiæ. Autore Plin. lib. 33. cap. 4. Quibus adduntur **Hermus**, **Iberus**, **Idaspes**. De **Gange**, **Pamphilus** Saxus de laudibus Veronæ: Sic Benace tuos æquant pater optime pisces, Diuitis ut fuluas marmora Gangis opes. Benacus nomen est lacus. De **Hermo**, Martialis lib. 8. Non illi satis est turbato sordidus auro Herinus, & Hesperio qui sonat amne **Tagus**. Hinc opes **Hermæ** dicuntur à poëtis. De **Tago**, Claudianus lib. 1. in **Ruffin**. Non **Tartesi** acis illum satiaret arenis **Tempestas** pretiosa **Tagi**. Item Plin. libro 4. cap. 22. **Tagus**, inquit, auriferis arenis celebratur.

De **Pactolo**, **Claudia**. de Consulatu **Porbi**. Quantus per **Lydia** culta Despumat rutilas diues **Pactolus** arenas.

Iberus quoq; Hispaniæ fluiuius auri ramenta quandoq; fertur habuisse. Vnde **Claudianus** de Consulatu **Manlii Theodori**: Lentus **Arar**, **Rhodanus**q; celer, & diues **Iberus**.

De **Idaspe**, **Statius** libro 8. **Thebai**. Ceu modo gemmiferum thyrso populatus **Idaspem**.

Hytnis, flumen est **Carmaniæ**, portuosum & auro fertile, inquit Plin. lib. 6. cap. 23.

Strabo ait **Turditanorum**, Hispaniæ populorum, gentem fuisse opulentissimam, ut quæ à **Carthaginensibus** quondam inuenta sit præsepibus utens argenteis.

Astures populi sunt Hispaniæ, **Calæcis** proximi, aurifodinis quondam nobilitati. Syl Sed scelerum causas aperit deus improbus **Astur** Visceribus laceræ telluris mergitur imis, **Etræ** infelix effosso concolor auro.

Argento, & Argentifodinis.

Præter quæ iam diximus loca, sunt & alia uenis argenti memorabilia. **Strabo** ait, **Alyzones** populos esse iuxta **Pharnaceam** insulam, qui habent uenas argenti & ferri. Interpret **Strabonis**: Hinc & **Alyzonas**, **Odius**q; & **Epistrophus** una longinquæ ex **Alyba** ducunt, argenti ubi uena est.

Alyba regio est non procul **M**, **sia**, in qua **Homerus** ait esse argentifodinas.

Sætas Indiæ populos argento abundare docet Plin. libro 6. **Fertilissimi** (inquit) sunt auri **Dardæ**, **Sætæ** argenti. Sed omnium in **India** propè non modò in hoc tractu potentiam claritatemq; uinc

uincunt Prasi, amplissima urbe, ditissimaq; Palibotra.

Chrysas, & Argyras, idem Plinius Indiæ populos, facit auro & argento fertiles. Quod etiam utriusq; dictionis etymologia comprehenditur.

Sardiniam argento fertilem esse, docet Architrenius illo carmine: India ebore, argento Sardinia, & Attica melle.

In **Saxonia** **Salinæ** sunt uberrimæ. Præterea **argentifodinæ** apud Gostardam oppidum, ab Othone primo inuentæ. Autor Volaterranus.

In **Augustudunorum**, seu **Eduorum** Diocæsi pagus est **Cithriacum** nomine, frequentibus argentifodinis clarus. Sunt & loca eidem agro uicina, itidem argenti uenis laudatissima, ut **Mayerium**, **Calcimontium**. Est & ibidem alius locus argenti feracissimus, **Boquinium** nomine.

Aere.

Politianus in Nutricia **Amyclas** uocat **Aerifonas**, quod cre (ut coniiicio) claruerint. Sic autem scribit: - Ceu maximus ille Aerifonas pedibus qui quondam inductus Amyclas.

Themese oppidum est Cypri, in quo præstantissima æris metalla fuisse, docet carmen illud Papinii lib. 1. Sylua. Et queis se totis Themese dedit hausta metallis.

Fuit & eiusdem nominis oppidum in Brutiis Italiæ, cõditum ab Ausoniis (Latinis **Thempsa** dicitur) cui hanc metallorum laudem adscribunt nonnulli.

Corinthus urbs Achaïæ, à Sisypho latrone condita, usque adeo æris præstâtia nobilitata est, ut eo facta uasa in deliciis haberetur, auriq; & argenti pretiũ transcenderet. Vnde Corinthiarus à Trâquillo in Cæsare Augusto, uocatur amator huiusmodi uasorũ immodicus. Ouid. lib. 6. Met. Orchomenosq; ferox, & nobilis ære Corinthus. Plinius ait celebritatẽ æris esse in Asia, fuisse quondam in Campania, nunc esse in Bergomarum agro.

Idem Plin. scribit in **Caristo** insula, marmoris optimi ferace, æs primum repertum fuisse.

In **Dodona** Molossorum ciuitate fuit oraculum, & officina æris præstantissimi: quod quum optimẽ resonaret, fecit locum prouerbio, Aere Dodonæo loquacior.

Armentis.

Galesum, fluuium Calabriae, armentis abundare arguit Statius lib. 2. Syl. dicens: Et Lacedæmonii pecuaria culta Galeis.

Britanniæ (quæ nunc Anglia dicitur) terra est frugifera, pe-

Aluta.

Sicyon urbs fuit in Achaia nō procul Corintho, in qua teste Cic. calcei molles & muliebres fieri solebāt. Vnde Aluta Sicyonia dicitur. Bapt. Pius lib. 4. Eleg. Aut sibi si modicos Sicyonia uinxet Aluta, Aethereos pellis aut heredosa pedes. Est autē Aluta corium, quo calcei fiunt. Hinc Alutarii dicuntur calceolarij.

Amomo.

Amomum herba est seu arbuscula odoris suauissimi, in **Assyria** frequens & **Armenia**. Vergil. Aeglo. 4. - Assyrium uulgo nascetur Amomum. Amomum **Armenium** est optimum, deinde **Medicum**, postea **Ponticum**. Plinius. Nascitur (inquit) in **Armenia** parte, quæ uocatur Otenæ, & in **Media**, & in **Ponto**.

Arboribus.

In **Fortunatis** insulis arbores sunt tantę proceritatis, ut ad **c x l i i i i**. pedes inolefcant. Plinius lib. 6. cap. 23.

Sunt & in **India** arbores adeo proceræ, ut sagittis superari nequeant. Hæc facit ubertas soli, temperies cœli, aquarum abundantia. Plin. lib. 7.

Idem lib. 5. ait, imas **Atlantis** radices densis altisq; repletas siluys, incognito genere arborū, quarū enodi nitore spectabilis sit proceritas. Frōdes cupressis similes, tenuiq; lanugine operte, quibus addita arte uestes Bombyci similes confici ualeant.

Cyrenaicus quoq; ager arboribus fertilis habetur, inquit idem Plinius lib. 5.

In **Hercynia** sylua tanta est arborum multitudo, tanta roborum uastitas, ut idem Plin. lib. 16. dicat, colles occurfantium inter se radicum attolli percussu.

Caucasum montem arboribus abundare innuit Prop. lib. 1. Et nemus omne satas intendat uertice syluas, Vrgetur quantis **Caucasus** arboribus.

Apibus.

Peruulgatum est ex lectione poëtarum, **Hyblam** Siciliæ, **Hymettum** Atticæ mōtes apibus & mellis optimi copia abundare. De Hybla Ouidius: Quot lepores in Atho, quot apes pascuntur in Hybla. Martia. lib. 7. Pascat & Hybla meas, pascat **Hymettus** apes. Eadem ratione **Hymettus** Florens **Lucretio**, **Dulcis** **Iuuenali**, & **Val. Flacco**, **Olenus** **Statio** dicitur.

Apris.

Hoc argumento poëta **Erymanthum** **Arcadiæ** montem
apris

apris abundare dicunt, quod ibidem Hercules furiosum illum;
& memorabilē aprum interfecerit. Vnde Stroza filius in uena-
tione: Amphitryoniades in monstrihero Erymantho Fulmineū
sic preſit aprum.

Auibus.

Scribit Plinius lib. 6. **Fortunatas inſulas**, & copia pomor-
um, & auium omnis generis abundare. Vide cap. 32.

Peneus fluuius eſt Theſſaliæ, undis lucidis amœnus, uiri-
danti riparum gramine, & canoro auium concentu.

Arcubus.

Omnes ferè populi Orientales arcu, & ſagittis claruerunt,
quibus annumerantur Scythæ, Getæ, Cretenſes. De **Armenia**
Lucanus lib. 8. Armenioſq; arcus, Scythicis intendite neruis.

De **Ithyra** urbe Parthiæ, in Tauro ſita, Idem Luca. libr. 7.
Tunc & Ithyrai, Mediſq; Arabesq; ſoluto Arcu turba minax,
nuſquam rexere ſagittas.

De **Cydone**, urbe Cretæ, Horatius lib. 4. Carmi. Primus ue
Teucer tela Cydonio Direxit arcu. Item Vergilius in Bucō.
Ire libet, Partho torquere Cydonia cornu ſpicula.

De **Gortyna**, urbe Cretæ, Ouidius lib. 7. Metamor. Nec
Gortyniaco calamus leuis exit ab arcu.

Arenis.

Aethiopia ſcatet arenis, iuxta Marulli teſtimoniū dicētis:
Nec te perulti minuit, aut ſeruor ſoli, Diueſq; arenarū Aethiops.

Hammanientes Cyrenaicæ regionis populi, undiq; are-
nis circundantur. Autore Plin. lib. 5. cap. 5.

Arundinibus.

Ouidius lib. 5. Faſt. uocat **Tybrim** arundiſerum, ab Arundi-
nibus, ubi ait: Tybris arundiſerum medio caput extulit alueo.
Eadē ratione Catullus uocauit **Gnydon** arūdiſam: Quæq;
Ancona, Gnydonq; arundinoſam Colis.

Scribit Plin. lib. 7. in **India** eſſe arundines tantæ procerita-
tis, ut ſingula internodia alueo nauigabili ternos interdum ho-
mines, ferat. Idem, Arūdini (inquit) Indiæ arborea amplitudo:
Nauigiorum etiam uicem præſtant ſingula internodia. Circa
Aceſinem amnem maximæ naſcuntur. Diodorus in tertio
oſtendit Indorum regis Staurabatis potentiam in nauigiis non
parum conſtituiſſe, quæ ad quatuor milia ex arūdinibus fluuiō
accommodanda aduerſus Semiramidis uires conſecit. Ferunt
enim (inquit idem autor) flumina, locaq; paluſtria arundinum
copiam

copiā, ita crassarū habere, ut nequaquā eas homines ulnis ample
 & queant. Et his naues optimæ fiunt, propter arūdinum robur.

Aulæis.

Babylonii primi omnium diuersos colores picturæ inte-
 xerunt, unde & Plautus *Babylonica* uocat *Peripetasma*. Et
 Iosephus *Aulæum* *Babylonium*. *Martialis* quoq; lib. 8. Nō ego
 prætulerim *Babylonica* picta, superbè *Texta*, *Semiramia* quæ
 uariantur acu.

In *Sarra Phœnicia* urbe (quæ alio nomine *Tyros* appella-
 tur) clauit usus purpuræ, unde & *Vergilius* *Sarranum* uocat
Ostrum lib. 2. *Georgi*. Vt *gemma* bibat, & *Sarrano* dormiat
Ostro. Eadem ratione *Iuuenalis* *Aulæa* uocat *Sarrana*.

Clauit & *Aulæis Pergamus* urbs *Asiæ*, quæ eius loci rex
Attalus reperisse dicitur. Vnde & *Attalica* dicuntur. *Syllius* lib.
 14. Quæ radio celat *Babylon*, uel murice picto *Lata Tyros*,
 quæq; *Attalica* uariata per artem *Aulæis* scribuntur acu, aut
Memphitide tela. De his intellexit *Horatius* dicens, *Attalica*
conditionibus Nunquam dimoucas, ut trabe *Cypria* *Myrtoum*
 pauidus nauta secet mare.

Lucretius quoq; *Aulæa* commendat *Britannica*.

Augurio, & Aruspicio.

Apud *Ethruscos* augurii primum, & *Aruspicii* disciplina
 fertur clauisse, eiusq; inuentor extitisse *Tages*. Quam postea
Romani ab eisdem susceperunt. *Sido.* in 3. *Panegy*. Quid rogo
bissen mihi uulture *Thuscus* aruspex Portendit? *Vitru.* lib. 1. de
Architectura. Id autem *Ethruscis* aruspiciibus disciplinarum scri-
 ptis ita est dedicatum.

Aceto,

Acetum in *Aegypto* ex *Marcotico* uino fiebat, tanta qui-
 dem præstantia, ut in maiore pretio, quàm ipsum uinum esset.
Martialis: *Amphora* *Niliaci* non sit tibi uilis *aceti*, Effet quum
 uinum, uilior illa fuit. Eandem ob causam *Codrus* *Vrceus* lib. 2.
Syl. *acetum* uocat *Pharium*, dicens: *Hic* *salis*, *hic* *Pharii* seruatur
 copia *aceti*.

Attagenis.

Attagena, seu *Attagem*, auis est inter raras quondam epulas
 habita, sed præcipui in *Ionía* saporis. Autore *Plin.* Vnde *Mart.*
 Inter saporis fertur alitum prius, *Ioniarum* gustus *Attagena*
rum. Fuit autem hæc auis frequens in *Ionía*. *Plinius*: *Attagē* ma-
 ximè *Ionius* celebratur, uocalis aliàs, captus uerò obmutescens,
 quond

quondam existimatus inter raras aues. Horatius in Epodo: Nō
Afra auis descendat in uentrem meum, Non Attagen Ionicus
iucundior.

Aromate.

Abundat **Perfarum** regio Aromate. Vnde **Quintianus** in
Cleopoli: **Perfica** Aromatibus, ualidis **Germania** fabris.

Absynthio.

Absynthium herba est amara, uim habens calidam & stypti-
cam. Potum stomacho prodest ad dolores corporis. Laudatissi-
mum nascitur in **Ponto**. **Ouid.** lib. 5. de **Trist.** Cana prius gelido
desint absinthia **Ponto**.

Absinthus, urbs est **Thraciæ**, quæ nomen sumpsit à copia
absynthii ibidem crescentis, quod oues pascuntur in regiōe **Pon-**
tica felle carentes.

Nascitur quoq; absynthium laudatum in **Macedonia**, &
Tauro monte.

Est & unum genus, quod **Santonicum** dicitur, à **Galliæ** ci-
uitate. De quo uidetur intellexisse **Martial.** **Santonica** medicata
dedi mihi pocula uirga. **Plinius** ait laudatissimum reperiri in
Thapofyri **Aegypti**.

Aspidibus.

Aspides serpētes sunt frequētes in **Aegypto**, hebetibus ocu-
lis, eisdemq; in temporibus fixis. Venenum habent, quo si quis
percutsus fuerit, nunquā euadit, nisi uulnere altius rescisso.
Earum imagine utebantur **Aegyptii** reges in suis **Diademati-**
bus. Vnde **Val. Flaccus** lib. 4. **Argō.** Iamq; **Aspide** cincta comas,
& ouanti persona sistro. **Lucanus** libro 4. **Pharias** uocat **Aspi-**
das, id est **Aegyptias**, ubi ait: **Aspidas** ut **Pharias** cauda solertior
hostis **Ludit**, & iratas incerta prouocat umbra.

Attilis piscibus.

Attili sunt pisces, qui inertia pinguescunt. Sunt autem fre-
quentes in **Pado**, adeo ut ad mille quandoq; libras capti sint,
qui nisi iugis boum extrahi potuerunt.

Anguillis.

Anguillæ pisces sunt admodū lubrici, & uolubiles, qui octo-
nis uiuunt annis, durantq; sine aqua senis diebus **Aquilone** spi-
rante. Capiuntur plurimæ in lacu **Banaco** hyemato, & in tan-
ta mirabili multitudine, ut in excipulis eius fluminis, ob hoc
ipsū fabricatis, singulorum milium globi reperiantur.

Scribit **Plinius** **Anguillas** in **Gange** reperiri tam inusitata
magni

magnitudine, ut tricenos pedes impleant. Cuius testimonium confirmat Solinus.

Aelianus apud Volaterranum scribit, in **Timauro** optimas, ac præpingues capi. Alii palmam lacui **Vulsinienſi** tradunt.

Scribit Plutarchus in **Timoleone** in limosis locis iuxta **Syracusas** ingentem anguillarum multitudinem pasci, adeò ut piscari uolentibus lata adſit præda.

Auratis piscibus.

Aurati pisces sunt, qui à Græcis **Chrysophries** appellantur. In maris refluxu frequentes ueniunt ad **Actium** Epyri oppidum, ibiq; in locis arenosis ad subnaſcentium arborum radices & latebras occultantur, & à peritis facillè capiuntur. Horum piscium uiuaria primus instituit **Sergius Orata**, nomen inde consecutus.

Anthiis piscibus.

Anthiæ sunt pisces naso adunco, testudineo corpore, qui penas habent, quas auium more, & uolanti similes pandunt. Reperiuntur autem in **Mari rubro**, lupi magnitudine. Sunt & frequentes prope **Cheledonias** insulas **Asiæ**.

Asteriadibus.

Asterias auis est docilis, humanæ uocis, & uerborum imitatrix, quam plurimam habet **Aegyptus**.

Aspalacis animalibus.

Aspalacus est animal, quod sola **Bœotiorum** terra fert. Aqua translatum statim perire dicunt. Frequens est tamen apud **Orchomenios**.

Alcibus.

Alces sunt animalia, figura & pellibus capris similia, uerum maiora aliquanto. Crura habent sine nodis & articulis, quare arboribus stantes adhærent in somno. Reperiuntur in syluis **Germanorum**.

Alumine.

Alumen, dicitur terræ salsugo, à lumine: quòd lumen coloribus tingendis præſtet. Inuenitur nigrum, & album, liquidum, & spissum. Inuenitur in **Aegypto**, ac in **Melo** insula, & **Macedonia**. Volaterranus ait fodi in **Ethruria**, in agro **Massano** & **Volaterrano**.

Acacia herba.

Acacia herba est, membris medens luxatis, quæ nascitur in **Aegypto**, **Cappadocia**, & **Ponto**.

Aconito

Aconito.

Aconitum herba est, quæ (ut fabulantur poëtæ) ex Cerberi spuma uenenum contraxit efficacissimum, quo tempore Hercules monstrum ab inferis ad superos eduxit. Aliqui dictum putant ab **Acone** portu Heracleæ, qui prouentu malorum graminum usq; adeo celebris fuit, ut noxiæ herbæ Aconita illic nominata sint, licet alias deriuationes ponant plurimi. Volaterranus ait nasci in **Italia**.

Alypio herba.

Alypium herba est fruticosa, & subruffa, flore nigro, quæ nascitur in maritimis **Africa**.

Aneso herba.

Anesum semen est Apio simile, uim habens calefactoriam. Frequens est in **Syria**.

Arinea fruge.

Arineam Volaterranus inter fruges enumerat, quam ait frequentem esse in **Gallia & Italia**.

Alofis.

Alofæ pisces sunt oblongi, de genere Clupearum, qui alio nomine Chryssæ dicuntur. Ferunt laudatissimas esse in **Tyberi**.

Aloë,

Aloë herba est succi amarissimi. Vnde Iuuenalis: Plus aloës, quam mellis habet. Nascitur in **India** plurima. Eius quoque gummi uenit etiam ex **Arabia & Asia**, ad conglutinanda uulnera utilissimum.

Asphalto frutice.

Asphaltus frutex est spinosus, & odoratus, quo utuntur unguentarii, ad unguentorum succum. Nascitur apud **Istrum, & Nisyrum** in **Syria**, & **Rhodo**.

Agarico.

Agaricum frutex est itidem odoratus, frequens in **Cilicia**, & apud **Sarmatas**.

Achate gemma.

Achates gemma est uario colore, partim retinens Iaspidis uireum, partim Sardi sanguineum, partim Smaragdi fulgidum. Dedit autem nomen **Achati** fluuiio **Siciliæ**, quod frequens ibidem reperiatur.

Artificibus.

Plinius lib. 6. de **Meroë** loquens, Cæterum (inquit) quum potiren

potirentur rerum Aethiopes, insula ea magnæ claritatis fuit. Tradunt armatorum c. c. milia dare solitam, Artificum quatuor milia alere.

Alabaastro.

Alabastrum genus marmoris perlucidi, quo antiquitus uasa fiebant unguetaria. Nascitur autem in India, circa Thebas Aegyptias, & Damascum Syriæ. Habebat & Sparta uiride cunctis hilarius. Dicimur, & Alabaster. Cicero lib. 2. Quæst. Acad. Quibus etiam Alabaster plenus ungueti putere uidetur. Item Alabastrites, Plin. lib. 36. Hunc aliqui lapidem Alabastrite uocant, quæ cauant ad uasa unguentaria. De Alabaastro Martialis lib. 11. Quod Cosini redolent Alabastra fociq; deorum.

Auripigmento.

Auripigmentum foditur in Syria ad usum pictorum, in summa tellure, auri colore, sed fragili, lapidum specularium modo. Autor Plinius lib. 33. cap. 4.

Aliis rebus.

Amaranthum Plinius lib. 17. ait laudatissimum nasci in India, & in Syria.

Arctionem herbam reperiri in Creta,

Amphitanem geminam in India.

Acerem arborem in Istria.

Abietem in Vogeso monte, Corsica, Bithynia, Ponto, Macedonia. Sunt & Abietes in Cypro c. x. x. pedum longitudinis: Crassitudinis uero ad trium hominum complexum. Germaniæ prædones singulis abietibus cauatis nauigant, quarum quædam x. x. homines ferunt.

Alica species est panis, quam ex Piceno probat Plin.

Ambrotonum herbæ genus, laudatissimum habet Sicilia, deinde Gallia.

Amaracum Cyprus. Accipitres Mafsilia.

Assarum unguentum, Pontus, & Phrygia.

Buxis.

CYtorum Paphlagoniæ, Olympum Macedoniæ, Pyrenæos item & Corsicam Buxis abundare docet Plin. lib. 6. cap. 17. Buxus, inquit, plurima Pyrenæis, ac Cytoro montibus, ac Bercynthio tractu. Crassissima in Corsica florem non ferendo. Hæc in Olympo Macedoniæ gracilior, sed breuis. De Cytoro, Vergil. lib. 2. Georg. Et iuuat undantem Buxo spectare Cytorum. Propterea pecten (quo discernuntur, & conuntur capilli)

capilli) proprio Epitheto appellatur Cytoriacus, quod Buxo fiat, quam in Cytoro frequentem esse diximus. Ouid. lib. 4. Metam. Sæpe Cytoriaco diducit pectine crines.

Asparges populi sunt in India, quos Pli. lib. 6. cap. 2. scribit Vitis, Lauri, Buxi, & pomorum omnium esse fertiles.

Baccis fructibus.

Bacca dicitur fructus Lauri, Olinæ, Myrti, & aliarum eiusmodi arborum, quo Sicyonem urbem Achaia abundare docet Ouidius lib. 4. de Ponto, dicens: Africa quot segetes, quot Tmolia terra racemos, quot Sicyon baccas, quot parit Hybla fauos. Verg. li. 2. Georg. Venit hyems, teritur Sicyonia bacca trapetis,

Idume urbs Syriae, Baccis, & Arboribus baccas ferentibus, abundat. Pontanus de hortis Hispaniæ: Quæq; & Idumæas mittunt palmaria baccas.

Arimpæi populi sunt ultra Riphæos montes, apud quos tanta est baccarum copia, ut illis etiam uiuant.

Baccis gemmis.

Est & Bacca nomen Gemmæ, frequentis apud Gangem Indiae fluium, Pontanus in Lepidina: Dona ferunt auro grauida, & Gangetide bacca.

Bombyce.

Bombyx dici potest subtilissima tela, quam eiusdem nominis uermes in India conficiunt Arancarum more. Reperitur autem apud Orontem fluium laudatissima. Salmonius: Alter Orontæa radiat ceruice decorus, Alterius rosea frôte coruscat Onyx. Bap. Pius lib. 3. Elegi. usus est in masculino genere dicens: Proregit obscurus radiantia tempora Bombyx. In hoc Propertium imitatus.

Plinius laudat Bombycem Assyriam, qua uiri fœminis cefserunt, quum uiros etiam non puderet, has uestes induere propter onera æstiuæ. In tantum (inquit ille) à lorica gestanda discesserunt mores, ut oneri sint uestes.

Arabia (quam ab omnium deliciarum ubertate felicem uocamus) Bombyce quoque abundat. Propertius lib. 2. Nec si quæ Arabia lucet Bombyce puella. Hinc Bombycinæ uocantur uestes illæ mollissimæ. Iuuenalis: Cuius Delicias & panniculus Bombycinus urit.

Beluis.

Horatius lib. 4. Carmi. uocat mare Beluosum à beluarum (quibus abundat) multitudine, ubi ait: Te Beluosus, qui remotis ob-

strepit

strepit Oceanus Britannis.

Dyardenes fluvius (inquit Curtius lib. 7. de gestis Alexā.) minus celebris auditu, quia per ultima Indiæ currit. Cæterum non Crocodilos modo, ut Nilus, sed etiā Delphines, ignotasq; aliis gentibus beluas alit.

Bobus.

Celadusam Plin. lib. 3. cap. 26. facit insulam Mesię intra Surrum, bobus & capris laudatam.

Taurominium mons est Siciliæ, bobus plurimis abundās, qui propterea Taurominitani dicuntur, ut Carybdis Taurominitana.

Aelianus apud Volaterranum scribit, boues esse in Phœnicia tanta magnitudine, ut à stantibus mulgeantur. idem ait apud mare rubrum boues cornibus flexibilibus esse: apud Mysos sine cornibus nasci: in India cursu cum equis contendere publico spectaculo. In Libya boues esse agrestes, equis non inferiores cursu. Apud Crathera, item Clitumnus Umbriæ fluvium armenta ex nigris alba fieri. In Eubœia omnes ferè boues albos nasci. Tauros Aethiopum agrestes cornua aurium modo mouere.

Campania albos & exiles gignit. Umbria vastos. Ethruria albos & ad opera fortes. Apœnin⁹ uegetos, ac labori aptissimos.

Balsamo.

Balsamum arbuscula est aromatica, cuius lignum Xylobalsamum, succus Opobalsamum dicitur. Plin. lib. 12. Omnibus, inquit, odoribus præfertur Balsamum uni terrarum Iudææ cõcessum. Producitur & in ualle Syriæ, arbore mali Punici magnitudine, ramis multis, folio rutæ simili, candido tamen & perpetuo uirente: Fructu simili Terebintho.

Bitumine.

Is, urbs est distans à Babylone itinere octo dierum, apud quam fluvius est eiusdem nominis, ex quo Bitumentum Babyloni quondam subministrabatur.

De Asphaltite Syriæ lacu Plin. li. 27. Quin & bituminum (inquit) sequax aliq; & læta natura, in lacu Iudææ, qui uocatur Asphaltites, certo tempore anni supernatās, nequit sibi auelli, ad omnem contractum adhærēs, præterquam filo, quod tale uirus infecerit. Itē li. 2. Nihil, inquit, in Asphaltite Iudææ (qui bitumē gignit) mergi potest. Et lib. 5. Asphaltites nihil præter bitumen gignit.

Ammianus Marcellinus lib. 22. Citra omnes (inquit) propinqua est nobilis Assyria. Nūc oīs appellatur Syria, ubi inter bæ-

carum uulgariumq; abundantia frugum, Bitumen nascitur prope lacum **Sosingitem**, cuius alueo Tygris uoratus fluensq; subterraneus percurfis spatiis longis emergit.

Inter cætera laudatur Bitumen illud, quo Semiramis coctiles **Babylonis** muros costruxit. Vnde Ouid. lib. 4. Meta. Vbi dicitur altam Coctilibus muris cinxisse Semiramis urbem.

Nymphæus mons est ardens, cuius crater Bitumen egerit omni bitumine dilutius.

Beryllis,

Beryllus lapillus est pallidus & transparentes, Smaragdo similis, qui semper sexangula figura, artificum opera politur, quoniam hebescit, nisi color percussu angulorum excitetur. Vnde Iuuenalis Saty. 5. Berillos inæquales uocat, ubi ait: - Ipse capaces Heliadū crustas, & inæquales Beryllus Virro tenet Phialas. Beryllus India gignit, raro alibi repertos, præterquam in **Phœnicia**, ubi etiam adinueniuntur.

Byssus,

Byssus dicitur genus lini subtilissimi, quo pretiosissime fiunt uestes, quæ Byssinæ appellantur. Byssus in Iudæa præcipuus nascitur, teste Iosepho. Secundus in Elide Græciæ ciuitate, colore inferior Iudæico, sed tenuitate præstantior.

Bulbis,

Bulbus à Romanis dicitur Allium agreste: alii Allium marinum uocāt. Caulem & folia habet Lilio similia. Venerē excitare fertur. Martia. in Dist. Quum sit anus coniunx, & sint tibi mortua membra, Non aliter Bulbis quam satur esse potes. Nec aliā ob causam bulbos salaces uocat lib. 3. dicens: Sed nihil crucæ faciunt, bulbiq; salaces. Columel. lib. 11. Quæq; uiros acunt, armantq; puellas, iam Megaris ueniant genitalia semina bulbi.

Bulbi Megarenenses præcipuam obtinent palmā, quos propterea Cato Megaricos uocat, & multum celebrat, teste Plinio lib. 19. cap. 5.

Idem Plinius ibidem ait Bulbos sponte nasci, & copiosissime in Balearibus, Ebusoq; insulis, ac per Hispanias. Post hos in Africa nati maximè laudantur. Sed & in Prænestinis cāpis sponte nascuntur, ac sine modo, in Remorū aruis.

Balænis.

Balænas alit Indicum mare quintuplo Elephantis magnitudinem excedentes. Plinius lib. 9. cap. 3. ait quasdam reperi quaternum iugerum.

Balano.

Balano.

Balanus arbuscula est, seu herba unguetaria & aromatica, frequens in Troglodytis, Thebaide & Arabia.

Bisontibus.

Bison animal est deforme iubarū prolixitate, & reliquo corpore. De quo Mart. lib. 1. Illi cecidit atrox Bubalus atq; Bison. Et alibi: Turpes effeda quod trahunt Bisontes. Hoc animal gignit Scythia & Germania, quæ tamen fructuum inopia paucissimis abundat animalibus.

Bubalis.

Bubalus animal est cervicem habens vitulo similem, unde & nomen sumpsit. Reperitur autem in Africa.

Bonasis.

Bonasmus animal est iuba equina, cætera tauro similis. Cornibus inter se adeo reflexis, ut pugnae sint inutilia. Gignitur hoc animal in Pæonia, & monte Mesapo. Volaterranus ait Bonasorum venationem hodie cerni in Lusitania.

Habet Buccardiam gemmam Babylon.

Buteones aues, Baleares insulæ.

Bedellium arborem Scanthrum mons Scythiæ.

Croco.

COrycus oppidum est Ciliciæ, ubi Crocus nascitur raræ bonitate & felicitate, qui propterea Corycius vocatur. Horatius lib. 2. Sermo. Corycioq; croco sparsum stetit. Plin. lib. 21. Prima nobilitas inquit, Cilicio croco, & ibi in Coryco monte: deinde Lycio, monte Olympo: mox Centuripino Sicilia: aliqui Phlegræo secundum locum dedere. Verg. in Battarum: -Et hic Cilicio Crocus editus aruo. Luca. lib. 9. Utq; solet pariter totis se effundere signis Corycii pressura Croci. Martialis lib. 11. Ultima Corycio quæ cadit aura Croco.

In Tmolus quoq; monte Ciliciæ, uel (ut aliis placet) Lydiæ, Croci & quidem optimi copia esse memoratur. Verg. li. 1. Geor. Nonne uides, Croceos ut Tmolus odores, India mittit ebur, molles sua tura Sabæi? De hoc intellexit Lucret. lib. 2. dicens: Et quum scena croco Cilici perfusa recens est.

Habet & Sicilia Crocum præstâtissimum, licet Corycio fortasse uiliorem: unde Statius lib. 2. Syll. Et tenues Arabum respirant gramine syluæ, Sicaniisq; crocis.

Canibus.

Canaria una est earum insularum, quas fortunatas, à rerum copia, uocamus. Hæc à multitudine canum ingentis magnitudinis nomen sumpsit. Autore Plin. lib. 6.

Amyclis (quæ ciuitas est Laconia) canes optimi fuisse dicuntur. Vergilius lib. 3. Georgic. Armaq; Amyclæumq; canem, Cressamq; pharetram.

Molossia quoq; & Epirus partes sunt Laconia, optimis canibus abundantes. Vergil. in Cul. Illum Scylla rapax canibus succincta Molossis. Item Horat. lib. 2. Sermon. Simul domus alta Molossis Personuit canibus. De Epyroticis Varro libro 2. de re Rust. cap. 9. Itaq; à regionibus (inquit) appellatur Lacones, Epyrotici, Salamantini. Tanta fuit huius loci canū bonitas, ut apud suos sepulcra meruerint. Vnde Stroza fil. Suos de more Molossæ uetusto Condit terra canes, cineres nec lædit opertos.

Celebratur & canes Vmbria, quæ est pars Italia. Syllius lib. 3. Ceu pernix quum densa uagis latratibus implet Venator dumeta Lacon, aut erigit Vmber Nare sagax è calle feras.

Seneca in Hippolyto commendat Spartanos, ubi ait: At Spartanos (genus est audax Auidumq; feræ) Nodo cautus propiore liga.

In Melita insula (quæ est inter Corcyram & Illyricum sita) canes sunt admodum parui, qui habentur in deliciis, adeo ut mulieres maiorem illis, quàm maritis habeant honorem. Hinc adagium, Canis Melitæus, quum quis ad uoluptatem nutritur, non utilitatem. Plinius in fine tertii: Inter Corcyram (inquit) & Illyricum Melita; unde catulos Melitæos appellari Callimachus Autor est.

Creta.

Creta dicitur tenax quædam terra, qua fullones in ablundis maculis uti consueuerunt. Omnium præstantissima fuit in Creta insula, à qua nomen traxit. Hac etiam abundat Cymolus insula, quæ propterea Cymolia dicitur. Cuius duo esse genera scribit Plinius lib. 36. cap. 16. Candidum scilicet, & ad purpurisum inclinans.

Creta quandoq; utuntur Figuli: unde Varro lib. 3. de re Rust. Figlinam uocat. At quod extat ulcus (inquit) figlina illiniunt creta. Figularem Colu. lib. 7. & Cymoliam. Creta Cymolia ex aceto linas, inquit. Item: Solet etiam ipsum animal uiuum creta figulari circumdari.

Crocodilis.

Crocodilis.

Crocodilus animal est quadrupes, ex ovo in miram excretescens magnitudinē, ut qui duos & uiginti cubitos impleat. Quatuor menses hyemales non comedit, Lingua caret, uiuit in terra, & in aqua. Crocodilis autem abundat in primis Nilus. Vnde Plin. libro 8. Crocodilum (inquit) habet Nilus, quadrupes malum, & terra pariter, ac flumine infestum. Mart. lib. 3. Cui comparata ritibus tuis ora, Niliacus habeat Crocodilus angusta.

Ombitæ populi in Aegypto hoc animal odorāt, eiq; sacros dies faciunt, ac lætantur liberos suos ab eo deuorati.

Habet Indus fluuius Crocodilos. Vnde Herodotus, Is, inquit, cupidus cognoscendi, ubinam Indus, qui secundus omnium fluminum Crocodilos præstat, mare influat. Plinius lib. v. cap. 1. ait: Mauritanix flumen **Bambotum** Crocodilis, & Hippopotamis refertum. Idem quoq; testis est in flumine (cui **Darat** nomen) Crocodilos gigni.

Cannabe.

Cannabis herba est, qua fiunt funes, qui propterea Cannabini dicuntur Columellæ. Hac abundat Scythia, unde Herodotus: Nasitur (inquit) apud Scythas cannabis Lino simillima, præterquam crassitudine, & magnitudine. Plin. lib. 16. ait Canabem agri Sabini, æquare arborum altitudinem.

Capris.

Capraria insula (quam Græci Aegilon dixerē, Autore Plinio) à multitudine caprarum nomen indepta est.

Iuxta **Cinyphem** fluuium, Capras esse inusitatæ magnitudinis docet Plin. Vnde etiam Pontanus: Iure cui Marfi inuideat, & ipsi Cinyphes hirci.

Capras optimi lactis feraces habent **Fortunatæ insulæ**. Vnde Horat. Illic iniussæ ueniunt ad mulctra capellæ, Refertq; tenta grex amicus ubera.

Callisthenes apud Volat. testis est capras esse in parte **Africæ**, uillis touilibus, ex quibus nautæ rudentes conficiant.

Capræ **Syriæ** magnam uim lactis egerunt: unde natum **Adagium**, Capra Syria. de eo, qui multam affert utilitatem.

In regione **Caspia** nascuntur Capræ equi magnitudine, sine cornibus, colore albo, quæ longo uillo, ac mollitie lanis certant Milesiis, Vnde sacerdotes, & Caspiorum ditissimi uestes conficiunt. Nymphodorus apud Volaterranū testis est in **Sardinia** tantam esse caprarum multitudinem, ut earum pellibus

pro uestimentis utantur incolæ, conuersis introrsum hyeme uillis, æstate uerò auersis.

Corylis.

Corylis (quæ sunt arbores nucifera) abundat urbs Campaniæ **Auella** nomine, unde nuces Auellanae dicuntur, quæ & Ponticæ. Cato de re Rust. Nuces caluas auellanas, Prænestinas, & Græcas.

Cupressis, & Cyparissis.

In **Ida** monte Phrygiæ multas esse Cupressos docet Plinius libro 15. cap. 34. Idem ait Cupressos in Creta optimè nasci. Mantuanus in Epigram. Ida funebrem peperit Cupressum.

Cyllene mons Arcadiæ eadem ratione Cupressifera uocatur ab Ouid. lib. 5. Fastorum ubi ait: Hæc enixa iugo Cupressiferæ Cyllenes.

Habet & Cupressos **Erymanthus** mons Arcadiæ. Ouid. in Epistola Deien. Tegæus aper Cupressifero Erymantho Incubat.

De **Lycæo** monte itidem Arcadiæ, Sidonius: Quantum non Cyparissifer Lycæus, Quantum non nemorosa tollit Ossa.

Cyparissus ciuitas est in Parnaso iuxta Delphos, quæ ab eius arboris frequentia meruit nomen. Homerus apud Volat.

Cypero arbore abundat **Ascalon** urbs Iudææ, & **Canopus** hostium Nili, seu urbs Aegypti. Nascuntur etiam Cupressi in Co insula, autore Plinio.

Costo.

Costus in scemineo, seu Costum in neutro genere, arbuscula est quædam aromatica. Reperitur & in Masculeo. Excellit autem **Arabicus**, albus existens & leui pondere, probi odoris. Secundam laudem habet **Indicus**, qui leuis est. Tertiam **Syriacus**, colore Buxus, odore grani. Lucanus lib. 9. Et **Tamarix** non læta comis, Eoaq; Coctus. Laudatur & **Persicus**, unde Horatius li. 3. Nec **Phalernæ** uites, **Achæmeniumq;** Costum. Plinius libro 12. cap. 12. ait optimum Costum reperiri in **Patale** Indorum insula.

Caseis.

Lunæ urbis Hetruriæ Caseos commendat Mart. in Apopho. dicens: Caseus Hetruscæ signatus imagine Lunæ, Præstabit pueris prandia mille tuis.

Apud **Vestinos** Italiæ populos, casei quoq; fiebant laudatissimi, autore Plinio: & tanto quidem pretio, ut carnij loco haberi

beri possent. *Martialis*: Si sine fruge uoles ientacula sumere frugi, Hæc tibi *Vestino* de grege massa uenit.

In *Trebula* agri *Reatini* oppido casei itidem fiebant optimi. De quibus *Martialis*: *Trebula* nos genuit, commendat gratia duplex, Siue leui flamma, siue domamur aqua.

Culicibus.

Ammianus lib. 18. At ubi (inquit) Solis radiis exarserit tempus in regionibus, æstu ambusti, uapores syderis, & magnitudine culicum agitantur, quorum agminibus per eas terras referta sunt omnia. De *Mesopotamia*.

Cynnami.

Cynnamum arbutula est aromatica, odore præstans, & ad unguenta mirè efficax. Frequens est autem in *Panchaia*. *Ouidius* lib. 10. *Metam.* Sit diues *Amonio*, *Cynnamaq;*, *Costumq;* suam, sudatq; ligno *Tura* ferat, floresq; alios *Panchaia* tellus.

Abundat & *Arabia* *Cynnamo*: unde *Propertius* libro 3. Et *Tyrus* *Ostrinos* præbet *Cadmæa* colores, *Cinnamon* & multi pastor odoris *Arabs*.

Pangæus *Thraciæ* itidem. *Claud.* de nupt. *Honorii* & *Marix*: Hic *Cassiæ* matura seges, *Pangæaq;* surgunt *Cynnama*.

Calamis.

Calami apti chartis ex *Aegypto* mittebantur, qui cognitionem quandam cum papyro habebant. Sed *Gnydii* ex *Creta* præstantiores sunt, autore *Plinio*, quamuis hoc *Gnydo* insulæ *Veneri* sacræ nonnulli tribuant. Nascebantur item ad eundem usum in *Asia* ad *Anethecum* lacum. De *Aegyptiis* *Martialis*: Dat chartis habiles calamos *Memphitica* tellus.

Nigri *Aethiopum* fluuii, eadem natura, quæ *Nilo* calamus & papyrum & easdem gignit animantes, iisdemq; temporibus augetur. Autor *Plinius* lib. 5. cap. 8. *Calami* *Aromatici* nascuntur in *India*. Commédantur qui sunt fuluo colore, ualde geniculati, & uiscosi. *Plinius* ait, ibidem reperiri calamos arboreæ amplitudinis. Idem autor ait nullum esse calamus sagittis aptiorem, quam qui nascitur in *Rheno* *Bononiensi* fluuii, cui plurima inest medulla.

Commendantur & *Cretici*, & qui circa *Acesinem* fluuium maximè nascuntur. Vide *Plinium* ipsum lib. 16. cap. 17.

Cera.

Hymettus mons *Atticæ*, & *Hybla* *Siciliæ* propter apum ibidem mellificantium multitudinem cera abundant. *Ouidius*

lib.10. Metā. Vt Hymettia sole Cera remollefcit, tractataq; pollice, multas Fle&itur in facies. Politianus in Ambra. Gaudebat calamos Hyblæis iungere ceris.

Pontanus in Eridano commendat Ceram Mantuanam, ubi ait: Elcstro felix, felix Mantoide Cera Eridanos.

Columbis.

Chaoniā partem Epyri, & Dodonam Chaoniæ fyluā, columbis abundare fequentia docent testimonia. Ouid. lib.2. de Arte. Quasq; colat turres, Chaonis ales habet.

Vfus columbarum apud Syrios olim fuit prohibitus. Ideo illis in locis tanta fuit earum copia, ut accedentium mercatorū ora peruolarent. Tibullus lib.1. Quid referam, ut nolucres crebras intacta per urbes, Alba Palæftino fancta columba Syro.

Tanta eft apud Pæonios & Illyricos columbarum multitudo, ut contra eas ordine militari in bellum exeant, quemadmodum Magnesi, & Ephefi contra locuftas.

Conchis & Conchyllis.

Lucrinus Campaniæ lacus delicatiffimas habuit conchas. Martialis lib.5. Concha Lucrini delicatior stagni. Horatius in Epodo: Non me Lucrina iuuerint Conchyllia.

Bibaga Indiæ eft infula, quā Plin. lib.6. ait Oftreis & Conchyllis effe refertiffimam.

Eft & in rubro mari Concharum multitudo: Vnde Polit. in Ambra. Donat Erithræis hæc plena monilia Conchis.

Cochleis.

Cochlea dicitur tefta Limacis, feu limax ipfa. Cochleas alie Mare rubrum maximas & rubentes. Illyricis magnitudo præcipua Africanis fecunditas: Balearicæ nafcuntur in speluncis. Laudatæ etiam in infulis Caprearum.

Cedris.

Libanus mons Phœniciæ Cedris abundat. Sedulius lib. 4. Mirab. diui. Semper habens frondes, & tanquā Libana Cedrus Multiplicandus adest.

In Aegypto & Syria reges inopia abietis, Cedro ad Clafes feruntur ufi. Autor Plinius lib.16.

Cygnis.

Cayfter fluuius eft Lædiæ, Sardibus proximus, abundans Cygnis. Ouid. lib.5. Trift. Vtq; iacēs ripa deflere Cayftrius ales, Dicitur ore fuam deficiente necem.

Volaterranus in Geographia, ubi mores Britannorum defcribit,

bit,ait, Cygnos, ad **Tamesis** ripam non minus quatuor milibus continuò nutriunt.

Chalybe.

Noricæ incolæ sunt **Alpium**, apud quos, autore **Plinio**, laudabiles sunt **Ferri** & **Chalybis** fodinæ. Hinc **Horatius** **ensem** **Noricum** appellat, ut **Bap. Pius** **Chalybem** lib. 4. **Elegi.** **Noricus** aut tenero stat tibi corde **Chalybs**.

Ceraſtis.

Ceraſtis serpentibus quadrigemina præferentibus cornua **Libyam** abundare, docet **Lucanus** lib. 6. dicens: Aut uiuentis adhuc **Libyæ** membrana **Ceraſtæ**.

Chelydris.

Chelydrus serpens est, qui per terram se cõuoluit, moraturq; tam in aquis, quàm in terra. Frequens est autem in **Calabria**: unde **Vergil.** lib. 3. **Georg.** Est etiam ille malus **Calabris** in saltibus anguis, **Spuma** conuoluens sublato pectore terga, Atq; notis longam maculosus grandibus aluum.

Colossis.

Colossi dicuntur grandes & corpulentæ statux, quæ antiquitus diis erigebantur. Præcipuæ autem magnitudinis fuerunt **Rhodii**, & ille omnium maximus, qui **Soli** sacer habitus est, de quo in septem orbis miraculis diximus. **Quintianus** in **Cleopoli**: **Clara** **Rhodos** proprium non amissura **Colossus** est.

Crateribus.

Iam docuimus quanta fuerit olim **Corinthii æris** præstantia. Propterea **Mantuanus** libro 2. **Parth. Mart.** Graterem uocat **Corinthium**, dicens: Vbi purpura cingit Vasa **Corinthiacis** crateribus æmula.

Citro.

Citrus arbor est frequens in **Atlante** monte **Mauritaniz**, qua pretiosæ admodum mensæ fieri consueuerunt. De his intellexit **Luca.** lib. 10. Dentibus hinc niueis sectos **Atlantide** sylua. Imposuere orbes. Et **Martial.** lib. 10. Et **Maurusiaci** pondera rara **Citri**. **Plin.** lib. 13. **Atlanti** confines sunt **Mauri**, quibus plurima arbor **Citri**, & mensarum insania.

Cæpis.

Cumas **Cæpis** abundare docet **Columella** lib. 10. scribens: Quæ pariunt ueteres **Cæpos** litore **Cumæ**.

Colocasía.

Colocasía herba est **Aegypto** peculiaris. Vnde **Martialis.**
Niliac

Niliacum ridebis olus, lanasq; sequaces, Improbam quum morsu
fila manuq; trahes.

Corruda.

Corruda herba est quædam sylvestris, qua superioris Ger-
manix campos refertos esse scribit Plinius libro 19. cap. 8.

Carduis.

Volaterranus ait Carduos Hispanos miræ magnitudinis
esse, præstantisq; saporis. Plinius eos cõmendat, qui apud Car-
thaginem, & Cordubam nascuntur.

Cappari.

Capparis frutex est humi sparsus, spinosus, hami instar, nascens
in locis asperis, & grana habes mali punici granis similia. Opti-
mus aduehitur ex Alexandria.

Conserua.

Conserua herba est à conseruando nomen adepta, frequens
in fluminibus Alpium.

Casia.

Casia, herba est suauissimi odoris, & Cynnameæ uirtutis. Na-
scitur autem in Felici Arabia.

Cerasis.

Cerasus Cerasuntis, oppidum est Ponti, quod à Cerasorū
arborum multitudine nomen suum traxit. Reperiuntur etiam
in Lusitania, & ripis Rheni, inquit Plinius.

Cotoneis malis.

Cotoneis malis abundat Cydon, Cretæ oppidum, à cuius
nomine Cydonia aliter dicuntur.

Cancris.

Phœnicia Cancros habet littorales, tātæ uelocitatis, ut uix
comprehendi possint.

Cuniculis.

Plinius scribit tantam olim fuisse Cuniculorum in Balea-
ribus insulis multitudinem, ut populatis, & corrosis mensibus,
famem incolis attulerint.

Calceamentis.

Sicyon urbs fuit inter Corinthum & Achaiam, in qua fie-
bant calceamenta, quæ in deliciis apud eos habebantur, qui cul-
tui corporis studebant, & elegantix.

Chryfocolla.

Chryfocolla humor est in puteis, per uenam auri defluens.
Laudatior autem habetur in Aurariis Cypri. Laudatissima
est

est in Armenia: Secūda in Macedonia: Largissima in Hispania, inquit Plinius.

Cotricula gemma.

Cotricula gemma est, arguens cuiusmodi, & quā purum sit aurum. Aliter Heraclius, seu Lydius dicitur. Reperitur in flumine Tmoli Armeniæ.

Carbunculis.

Carbunculus lapillus est, ignis fulgorem proferens. Laudatissimus aduehitur ex India, licet Carthagine & Massyliæ reperiatur.

Calce.

Volaterranus ait in Tybure oppido ingentes esse fornaces, ubi Calx effoditur.

Cotono.

Cotonum uerbo Gallis peculiari, est lana, seu lanugo tenuissima, mollitia, & candore excellens, qua delicatæ uestes Aegyptiis sacerdotibus quondam fiebant. Aliter Gossipium uocatur. Nascitur in Calabria: in insula item Maltha prope Siciliā: sed optimum uenit ex Syria.

Carpionibus.

In Bænaco lacu (quem ab anguillarum multitudine commendat Plinius) nunc frequentes inueniri Carpiones testis est Volaterranus.

Cocco.

Coccus pro purpura sumi solet: unde uestes Coccinæ. Martialis. Coccina famosæ donas, & lanthina mœchæ. Quintil. lib. 7. Nondum uerba exprimit, & iam Coccū intelligit. At Coccum in neutro genere granum est, seu frutex, quo fullonum tinctura conficitur. Nascitur optimum in Asiæ partibus. Nunc omnium optimum è Valentia Hispaniæ oppido aduehitur. Est & Eliberis urbs Hispaniæ, quæ ab eius grani copia Granata dicta est.

Chalbana.

Chalbana frutex est odoratus, seu liquor ferulæ, Turis specie, Metopion aliqui uocant. Reperitur in Syria.

Cercopythecis.

Cercopytheci animalia sunt de genere Simiarum, cauda quinū cubitorum, barba propensa, coma humana, alba facie, reliquo corpore nigrantes. Versantur in montibus Indiæ apud Taxilam ciuitatem, copia quidem tanta, ut Alexandro illac transcuncti, terrorem incusserint.

Calli

Callitrichibus.

Callitriches etiam sunt de genere Simiarum. Barbam habet in facie, & lata sunt cauda, neque uiuunt in altero, quam Aethiopico solo.

Cynoprofopis.

Cynoprofopi animalia sunt eiusdem ferè speciei, capite, dentibus, ac pelle canibus propè similes, hominibus reliqua. Reperiuntur in desertis Indiæ Aethiopiam uersus.

Catoblectis.

Catoblectum Africa gignit, tauro propè similem, aspectu terribilem, superciliis altis, extantibus oculis, in recessu sanguineis, & in terram semper depressis, iuba equina, quam ad certamen erigit.

Chenalopecibus.

Chenalopex auis est minor Anseris, ex Vulpis & Anseris forma, Aquilæ & Feli inimicus, tæctum mira complectens charitate. Plinius ait hanc auem frequentem esse apud Britannos in mensarum deliciis.

Cinnamulgis.

Cinnamulgis auis est in Arabiâ, quæ in furculis sui nominis ædificat.

Cephalis piscibus.

Cephalus piscis est, à cuius frequentia Cephalenides insulæ iuxta Actium oppidum nomen traxerunt.

Citharædis piscibus.

Citharædum piscem habet mare rubrum, cui inde nomen datum, quod à cauda ad uerticem lineas habeat instar neruorum musici instrumenti distentas.

Coronis.

Elis urbs fuit Græciæ prope quam celebrabatur ludi Olympici:uariisq; coronis donabantur pugiles, & Athletæ. Seneca in Troade:Pharin, an Pisam Iouis & Coronis Elidæ Claram.

Castaneis.

Habent Petragorici, Galliæ Aquitanicæ populi, tantam castanearum & glandium multitudinem, ut earum arboribus & syluis plena sit regio, quibus porcos pinguefaciunt, & sagināt. Laudatissimum castaneis putatur Tarentum, & in Campania Neapolis.

Cetis piscibus.

Plinius lib.32. scribit, Cetos sexcentorum pedū longitudinis, & tre

& trecentorū sexaginta latitudinis in flumē *Arabia* intrasse.

Coracini pisces peculiares sunt *Nilo*.

Cerusa habet *Rhodus*.

Cotes Taygetus & *Creta*.

CrySTALLUM *India*.

Cylindros gemmas *India*.

Coralochatem *Creta* & *Oera*.

Cacopyritem gemmam *Cappadocia*.

Choaspitem *Choaspes*.

Cytisum, herbam, *Cyclades*.

Caprificos arbores *Cea* insula.

Cucumeres *Africa* copiosissimi sunt & grandissimi. *Præcipui* nascuntur in *Arabia*, mox *Cyrenis*. In *Arcadia* similes *Heliotropio*.

Cyminum herbam habet *Aethiopia*. *Coriandro* abundat *Aegyptus*. *Camelos* inter armenta pascunt *Orientalis*. *Plinius*.

Draconibus.

FRequentes sunt in *Massylia* *Africa* *Dracones*, qui propterea *Massyli* dicuntur à poëtis. *Pamphilus Saxus*: *Aurea* *Massyli* uincunt, quæ poma *Draconis*.

India fert *Dracones* tantæ magnitudinis, ut *Elephantes* (quibuscum certant) circumflexu facili ambient, nexuq; nodi præstringāt. Autor *Plinius* lib. 8. cap. 11. *Apuleius* libro 11. Hinc *dracones Indici*, Inde *Gryphes Hyperborei*.

Generat *Dracones Aethiopia*, *Indicis* pares, uicenum cubitorum.

Asachei quoq; populi sunt in *Aethiopia*, apud quos maxime nascuntur, ita ut cratium modo impliciti erectis capitibus uelificent ad meliora pabula *Arabia*. Autor idem *Plinius*.

Disciplinis.

De *Athenis* *Cicer.* lib. 1. de *Oratore*: atq; ut omittam *Græciam* & illas omnium doctrinarum inuentrices *Athenas*, in quibus summa dicendi uis, & inuenta, & perfecta est. Vnde & *Ouid.* in *Epist.* Atque aliquis doctas iam nunc eat (inquit) *Athenas*.

Diuitiis.

Fama est *Syracusanos* opibus olim aded creuisse, ut sequenti prouerbio fecerint locum, Vobis ne decima quidem *Syracusanorum* adest, quum diuites alloquimur. Est & aliud argumentum miræ eius urbis opulentia, quod die quodam, terre-

strem

strem & maritimum contraxerit exercitum.

Non aliam ob causam poëta fingunt imbrem aureum olim in Rhodū pluuisse, quàm ob immensas eius urbis diuitias. Quintianus in Cleopoli: Sit fertilis auro Magna Rhodos, quondam descenderit aureus imber In Rhodon.

Dictamo herba.

Dictamus, seu Dictamum herba est, qua lacerti cum serpentibus pugnaturi se refouent. Frequens est autem in Ida monte Cretæ. Vergil lib. 12. Dictamum genitrix Cretæ carpit ab Ida.

Dipsadibus serpentibus.

Dipsas serpens est minor uipera, qua demorssi, feruescunt siti, & tandem emoriuntur. Frequens est apud Garamantes. Unde Syllius libro 13. Quippe atro rapidas efferuescente ueneno Dipsadas, immensis horrent Garamantes arenis. Reperiuntur etiam in Libya & Arabia.

Equis.

ARgos ab equorum præstantia cōmendat Hora. lib. 1. Car. dicens: Plurimus in Iunonis honorem Aptum dicet equis Argos, dicesq; Mycenæ.

Equo pugnare, Thessalorum est inuentum. Et primum in Thessalia equi usus repertus est. Lucanus: Thessalicus sonipes, bellis feralibus omen. Antiquitus prima laus fuit Equarū Thessaliæ. Hinc adagium ^{5. 7.} positum, Decernitur equa Thessalica, De summo præmio. Cæsar equorum Thessaliæ, in tauros dimicantium, eosq; perimentium spectaculū Romæ exhibuit. Strabo quoq; ait Thessaliam pascendis equis esse commodissimam, qui Arcadicos & Epidauricos maximè præcellant.

Asturia urbs Hispaniæ, equos habuit (qui Tollutarii dicuntur) gressus molliter glomerantes, alterna crurum explicatione. Martialis: Hic brevis ad numerum rapidos qui colligit ungues, Venit ab Hispanis gentibus Astur equus.

Agragas, seu Agrigentum, Siciliæ oppidum, habuit optimos equos. Verg. lib. 3. Aen. Arduus inde Agragas ostentat maxima longè Mœnia, magnanimū quondā generator equorū.

De Bilbilī Celtiberiæ ciuitate. Mart. Videbis altam Liciane Bilbilim Equis & armis nobilem.

Nisæus mons est in Media, in quo pulcherrimi itidem nascuntur equi.

De Elide Græciæ urbe, Propert. li. 1. Et quas Elis opes antè pararat equis. Tibul. Qui prior Elæo est carcere missus equus.

De Ar

De Argæo Cappadociæ monte, Claudianus lib. 2. in Ruffi. Volucrumq; parens Argæus equorum.

In Olyſſippo Hiſpaniæ urbe, equæ Venerem ſibi figurâtes, hauſto Fauonio dicuntur concipere.

Equis abundat Scythia, Aſinis carens, propter immenſum frigus. Sunt in eadem regione populi, equorū carnibus ueſcentes, quos Ptolemæus Hippophagos uocat. Scythæ (inquit Plinius) equitatus & equorum gloria ſtrepunt.

Nefi populi ſunt in Scythia Europæa, optimis quondam equis abundantes, quibus reges utebantur.

Irlandiæ regio equos habet ueſtorios, præcipua bonitate, quos Vbinos uocant, celeriores Anglicis.

De Satrïano urbe Appuliæ, Horatius, Me Satrïanæo ueſtari rure caballo.

Tunis urbs Africæ, habuit præſtantes curſu, quos Barbaros uocât, quales in Maſſylia, Numydiaq; paſſim reperiuntur.

Ex Tyrrheni maris inſulis, præſertim Corſica & Sardinia, adducuntur breues admodum, ſed animo generoſo, atque audaci ingreſſu, & irrequieto,

Ex Germania grauiore, qui Succuſſarii dicuntur Feſto, Nonio Tortores, Plauto Cruciantes.

Herodotus ſcribit in Paremitana regione Aegypti equos eſſe fluuiales, ungulis bouinis, ſimo naſo, equina iuba, eminentibus & cancellatis dentibus, fulgida cauda, magnitudine maxime tauri, craſſo corio, ut ex eo arefacto fiant pila miſſilia. Idem ait circa Mæotis paludem (unde profluit Hypanis) equos eſſe ſylueſtres & candidos.

Elephantibus.

Corſellæ oppidum eſt in Africa, ubi prægrandes ſunt Elephanti, quorum etiam multitudo eſt in tota ferè Africa. Plin.

Sala quoque oppidum Mauritanæ, greges habet plurimos Elephantum.

Plinius de Tingitania Africæ prouincia ſcribens, Ipſa (inquit) prouincia ab Oriente montoſa fert Elephantes.

Herodotus in Thalia ait, Aethioſiam terrarum habitatarum ultimam uastos ferre Elephantos, prominentibus utrinque dentibus.

Libya. Syllius lib. 3. Belua nec retinet tardante Libyſſa timore.

Plinius ſcribit in Indiâ gentem eſſe, cuius rex quadraginta milia

milia Elephantorū in armis habeat. Alios item ibidē esse populos Palybotros nomine, qui Elephantorū nouem milia regi suo per omnes dies stipendiētur. Vnde (inquit ille) cōiectatio ingens opum est. Idē lib. 8. scribit, Indicū Elephātū Afri paueant, nec cōtueri audent. Nā & maior Indicis magnitudo est.

Sunt & alii populi Oraturæ, quorum rex habet decem milia Elephantorum.

Automelæ oppidi rex Elephantes habet M D C.

Pauperior Charmorum rex Elephantos L X.

Pandi gens sola Indorū regnata fœminis, quingentos habent Elephantos. Galterus lib. 1. Alexandreidos: Nobiliū multa regionum laude superbit, Hæc diues gemmis, Elephātibus India barrit. Hinc decēti Epitheto poëtæ Indicū uocant Elephantem. Martianus Capella, Indicos (inquit) Elephantos organica permulso detineri noce compertum.

Habet **Marmarica** regio Africae Elephantos. Sidonius: Non si quas eboris trabes refractis Rostris Marmarici dedere Barri.

Onesicritus apud Pliniū lib. 6. testis est Elephantos in **Ta-probane** insula maiores, bellicosioresq; quā in India gigni.

Troglodytæ cōtermini Aethiopiæ solo Elephantum uenatu nutriuntur.

Ebore.

India. Vergilius: India mittit ebur, molles sua tura Sabæi. Horatius lib. 1. Car. Non aurum, aut ebur Indicum. Ouid. Sectile deliciis India præbet ebur.

Assyria. Idem Ouid. lib. 2. Eleg. Mæonis Assyrium fœmina tinxit ebur.

Echinnis piscibus.

Frequentes esse iuxta **Misenum** promontoriū Echinnos, docet Horat. lib. 2. Ser. dicens: Miseno oriuntur Echinni, Pectinibus patulis iactat se molle Tarentum.

Electro.

Electrides Mesiæ sunt insulæ (quas alii **Glessarias** uocāt) dictæ, quod in his proveniret succinum, quod illi **Electrum** uocant. Gignitur etiam in **Aethiopia**.

Ebeno.

Ebenum arborē nigri coloris, itidem habent **Aethiopes**.

Eruca.

Eruca herba est Venerem excitans. Vnde Ouid. de Rem. Nec minus

minus Erucas iubeo uitare salaces. Colum. lib. 11. Excitet ut Veneri tardos Erucas maritos. Frequens est in Hispania.

Exocætis piscibus.

Exocætus piscis est in siccum somni causa exiens. Hunc habet Arcadia.

Exercitu.

Quo tempore Aethiopes rerum potiebantur, Meroë insula ducenta armatorum milia regi suo suppeditabat.

Aliis rebus.

Eupatoriam herbam mittit Arcadia.

Euphorbiam Atlas.

Eumetridem gemmam Lesbos.

Equos pennatos Aethiopia.

Formicis.

IN solitudine Indiæ arenosa formicæ gignuntur canū quidem magnitudine minores, uulpium uerò maiores. Earum nonnullæ apud regem Persarum uisuntur in uenatu captæ, inquit Herodotus. Aurum è cauernis ibidem eruunt. Propertius lib. 2. Inda cauis aurum mittit formica metallis.

Apud Dardas, Indorum populos, mons est trium milium stadiorum ambitu, & sub eo aurifodine, in quibus formicæ uulpibus non minores aurum effodiunt.

Plin. lib. 11. scribit, in Aegypto formicas esse magnitudinis luporum.

Frumentis.

Cremona frumenti ferax est. Vnde Mantuanus: Et frumentiferæ cultissima rura Cremonæ.

Plinius scribit, Siciliam, & Beticam frumenti adeo fecundas esse, ut aristas centum granorum egerant.

De Babylonia, Herodotus in Clio. Hæc regio, inquit, omnium (quas uidimus) optima est dumtaxat ferendo frumento. Nam in arboribus ferendis, uite, olea, nequaquam de principatu contendit. Cereris autem fructu procreando, adeo ferax est, ut nunquam non ferè ducena reddat. Et ubi præstans bonitate se uincit, etiam ad tricenā quaternū ferè digitorum latitudine, triticeis atque hordeaceis foliis.

Frumentifera etiam est Eleusis urbs Atticæ. Mantuanus in Dionysio: Misit & altricem frugum Cerealis Eleusin.

Africa, Horatius lib. 2. Ser. Frumenti quantum metit Africa. Idem lib. 1. Car. Quicquid de Libycis uerritur arcis,

Appulia. Idem Horat. lib. 3. Car. Quàm si quicquid arat impiger Appulus, Occultare meis diceret horreis.

Gargarus mons, seu Gargara in plurali. Ouid. Gargara quot segetes, quot habet Methymna racemos.

Morauia regio Bohemiæ uicina pabulo, frumento, & pecore abundat.

Frugibus.

Siciliam frugibus esse fecundissimam constat. Stroza pater: Aruaq; frugifera pinguis Sicania. Hinc orta est fabula de Cerere, quæ ibidem fruges, & modum arandæ terræ cômoustrasse dicitur. Et Cicero Siciliam horreum populi Romani uocat, quæ sæpè maximos pauerit exercitus.

Streperet etiam hac ubertate Italia. Vergil. lib. 2. Georg. Salua magna parens frugum Saturnia tellus. Plyn. lib. 3. cap. 5. Italiam uocat terram omnium terrarum alumnam.

Idem lib. 5. de Africa loquens, ita (inquit) appellatur regio fertilitatis eximia, cum centesima fruge agricolis fœnus reddente terra. Horat. lib. 3. Car. Fulgentem Imperio fertilis Africa.

Hispania. Martianus Capella: Europa (inquit) lumē Hispaniæ contributum, fertili frugum, optimæq; prouinciæ, metallorum aurique; fœtura, & meri marmoris, gemmarumq; muneribus prædicandæ.

Sardinia. Claudianus: Humanæ speciē plantæ se magna figurat Insula, Sardiniâ ueteres dixere coloni, Diues ager frugū.

Plinius lib. 21. cap. 15. scribit, Aegyptum frugum esse fertilissimam. Vnde Priscianus, seu Rhennius in Dionysii Geographia: Hinc Nilus currens ad partes flumine pingui, Fertilis Aegypti terras fœcundat opimas.

De Fortunatis insulis, Horatius in Epodo: Petamus arua, diuites & insulas, Reddit ubi Cererem tellus inarata quotannis.

Homerus scribit, templum Cereris fuisse in Pyraeo urbe Phthiæ, propter copiam frugum eius loci.

Aroa urbs Achaiæ, nomen sumpsit ab Aratro, quod sit pariter ferax frugum.

Est fertilis **Thracia** frugum & frigore, & æstibus, ut Africa & Aegyptus, inquit Plinius.

Fructibus.

Plinius lib. 5. scribit **Atlantem** Mauritaniam montem, opacum, numerosumq; esse, & scatebris fontium riuum, quæ spectat Africam, Fructibus omnium generum sponte ita subnascentibus,

bus, ut nunquā satietas uoluptatibus desit.

Cicero de lege Agraria contra Rullum: **Campania** (inquit) semper superbit bonitate agrorum & magnitudine fructuum, salubritate aëris, & pulchritudine regionis.

Viuaresium prouincia est superior linguæ Oxitanæ, Rhodano contermina, qua prospicit Orientem, terra quidē montosa, ruentibusq; impetu miro torrentibus ubiq; irrigua, frequens & uelut turrata montiū multitudine, præter cæteras Galliæ partes. Quod tamē de bonitate, & fertilitate loci nihil adimit, imò uerò auget inusitata quadam natura. Nam (quod est præcipuū) uina profert laudatissima, omniumq; laudibus, nemine reclamante, longis interuallis anteferenda. Qua parte respicit Occidentem, montes habet, electissimis, raraq; bonitate castaneis refertissimos. Omnium præterea pomorum, nucum, & aliorum hoc genus fructuum adeo ferax, ut nec pyra Calabriæ, nec hortos Hesperidum, nec Phæacum pomaria cōferre liceat. Granis, herbis, floribus, uiolis, fructibus intantū fecunda, ut in ea pingenda, omnibusq; dotibus ornanda, uires suas exercuisse natura uideatur. Vbertatem & copiam leguminum si uideres, rapereris in admirationem, tibiq; iucundum esset istic relicta patria exulare. Nec immerito Viuaresium, à uita, aut uiuariorum multitudine nomen meruit. Habet enim leporaria, ornithones, auararia, & cætera, quæ uillaticam decent pastionem.

Fagis.

Plinius lib. 16. scribit ex Cornelii Alexandrini testimonio, dulcissimas esse fagos in Chio insula, earumq; glandibus obfessos ibidem homines diu durasse.

Feris.

Polybius apud Plinium prodit, ab Atlante Occasum uersus, saltus esse plenos feris, quas generat Africa.

Scythia regio feris abundat, propter solitudinem hominū eius regionis, qui nullis certis sedibus utuntur, sed uagi feruntur in plaustreis. Vnde & Scytharū solitudo, trāsit in prouerbiū.

Ferro.

Chalybes populi sunt in Ponto, prope Thermodoontem, qui optimo abundant ferro. Vergil. libro 1. Georg. India mittit ebur, molles sua tura Sabæ: At Chalybes nudi ferrum.

Norici Alpiū populi, uenas ferri laudabiles habuerūt. Hinc Horatius ensē uocat Noricum, dicens: Quas neque Noricus Deterret ensis.

Melita quoq; Siciliae insula praestantes habet ferrifodinas.

Bilbilis fluvius est Hispaniae, apud quem optima ferri temperatura fiebat. Hinc Horat. lib. 1. Car. Loricis vocat Iberas, dicens: Quum tu coemptos undiq; nobiles Libros Paneti, & Socraticam domum Mutare loriceis Iberis, Pollicitus meliora, tendis.

Fundis.

Baleares duae sunt insulae in mari Hispano, apud quas usus fundae repertus est, & adeo celebratus, ut matres filios suos aliis auibus olim uesci non paterentur, nisi quas funda fuissent adepti. Florus, Cibum (inquit) puer a matre non capit, nisi quid ipsa monstrare percusserit. Luc. li. 1. Et torto Balearis uerberere fundae Ocyor. Plin. li. 3. Baleares (inquit) funda bellicosas. Graeci Gymnecias dixere. Virg. li. 1. Geor. Stuppea torquetur Balearis uerbera fundae.

Fauis.

Fauis abundat Hybla & Hymettus. Sill. lib. 14. Tum quae nectareis vocat ad certamen Hymettum, Audax Hybla fauis.

Fauis cera spectabiles reperiuntur in Pelignis, Sicilia, Creta, Cypro, Africa. Plinius scribit uisum in Germania octo pedum longitudinis fauam.

Floribus.

Cilicia. Statius lib. 2. Syll. Quid Cilicum flores, quid munera graminis Indi?

Enna urbs Siciliae. Stroza pater: Non tu floriferis in odorae uallibus Ennae.

Saba. Statius lib. 5. Syll. Ver Arabum, Cilicumque; fluit, floresque; Sabaei.

Aetna. Ausonius: Qualis floricomae quondam populator in Aetna. Hybla. Ovid. lib. 5. de Trist. Florida quam multas Hybla thetur apes.

Paphos. Crinitus: Seu tu floriferam concelebras Paphon.

Turia fluvius Hispaniae. Claudianus: Floribus & roseis formosus Turia ripis.

Plin. lib. 21. scribit Cyrenis semper, flores esse laudatissimos.

Tritum Adagium est apud Erasimum, Samiorum flores; ubi quis extremam decerpit uoluptatem: quod ea insula florum ubertate claruerit.

Fabis.

Plinius lib. 4. ait, Burcanam insulam esse Ponti, quae Faba-ria dicatur Latinis, a multitudine frugis inibi sponte prouenientis. Est autem insula Oceani septentrionalis.

Frax

Fraxinis.

Ida mons Fraxinis abundat tantæ bonitatis, ut Citro sint similes, & ablato cortice plerunq; cmentes decipiant. Nascuntur & in **Cō** insula. Autore Plinio.

Ficubus.

Plurima ficus exit in **Thessalia** & **Macedonia**, teste eodē Plinio lib. 6.

Horatius in **Epodo** ait **Fortunatas insulas** abundare ficubus, scribens: Suamq; pulla ficus ornat arborem.

Credibile est maximas esse ficus **Indiæ**, & ualde spatiosas, quum sub earum una turmæ condantur equitum.

Figulinis officinis.

Pythecusa, autore Plinio lib. 3. dicta est non à **Simiarū** multitudine, sed à **figulinis**. **Pythos** enim dolium dicitur.

Fontibus.

In **Ida** monte multi sunt Fontes: Ex quorum duobus **Scamader**, & **Simois** scaturiunt. **Quid.** lib. 2. **Meta**. Et tū sicca prius creberrima fontibus **Ida**. **Thomas Radinus**: **Ida** multifons, **Cyzicū** Romanis honora. Propterea aquosam eam uocat **Horat.** lib. 3. **Cār.** dicens: **Qualis** aut **Nireus** fuit, aut aquosa **Raptus** ab **Ida**.

In **Tomaro** monte **Epyri** centum esse fontes docet **Plinius** libro 4. **Tomarus** (inquit) mons centum fontibus circa radices **Theopompo** celebratus.

Flammis.

Vesæuus mons **Cāpaniæ**, flammās quādoq; proiecit. **Martianus** in **Brixia**: Et quæ flaminium pariunt arbuta **Vesæui**.

Felibus.

Tartēssii populi sunt in **Iberia**, apud quos **Feles** maximè nasci dicunt. Vnde natum **Adagium**, **Feles Tartēssia**.

Fluminibus.

In **India** mira est fluminum uastitas. Proditur **Alexandrum** magnum, nullo die minus stadia **D C.** nauigasse in **Indo** fluuiο, nec potuisse ante menses quinq; enauigare, adiectis paucis diebus. Et tamen minorem **Cange** esse constat. **Megasthenes** apud **Plinium** sexaginta eius amnes prodit.

Ferulis.

Ferulas in **Aegypto** præcellere, scribit **Plin.** lib. 13. cap. 22.

Gallinis.

Varro libro 3. de **Re Rust.** **Gallinæ**, inquit, **Africānæ** sunt grādes, quas **Meleagrides** appellāt **Græci**. De his loquitur

& Martialis: Anser Romano quamvis satur Annibal esset, Ipse suas nunquam barbarus edit aues. Suetonius in Caligula: Hostiæ erant Phœnicopteri, Pauones, Tetraones, Numydicæ, Meleagrides.

Gallinaria insula est in mari Ligustico, nomen inde sortita, quod gallinis abundet. Aelianus apud Volaterranum testis est, Meleagrides esse in **Lero** insula, quas fabula uult Meleagri Oenei filii natas, luctu patris in aues fuisse conuersas.

Gemmis.

Plinius lib. 6. ait in **Taprobane** insula aurum & argentum esse in pretio, Marmor testudinis simile, Gemmas, Margaritasq; in honore multo præstantiores.

India uariis abundat gemmis. Sabellicus: Cernere erat, quicquid gemmarum prodiga mittit India, quicquid opum pelago scrutatur Erithra. Propertius libro 2. Indica quos medio uertice gemma tenet.

Erithra rubri maris insula. Claud. Talis Erithræis intextus Nebrida gemmis Liber agit currus.

Idaspes fluuius. Claudianus: Diues Idaspæis augetur purpura gemmis.

Garamantes populi Orientales. Silius lib. 15. Ardebat gemma Garamantide cæcula uestis.

Habet & **Mare rubrum** gemmas uarii coloris, magnique pretii. Seneca in Hercule Oetæo: Gestat pelagi dona rubentis, Nec gemíferas detrahit aures Lapis Eoalectus in unda. Tibull. lib. 3. Quid uè in Erithræo legitur quæ littore concha.

Sunt & fluuii nonnulli gemmis nobiles, inter quos **Aoaxis**, & **Ganges** numerantur à Plinio.

Glandibus.

In **Dodona** Chaoniæ sylua primùm repertus est glâdis usus. Verg. lib. 1. Georg. Chaoniam pingui glandem mutauit arista.

Gruibus.

Apud **Strymonem** fluuium, & **Bistonem** lacum Thraciæ, grues maximè per æstum morantur. Lucanus libro 3. Deferitur Strymon, rapido committere Nilo Bistonias consuetus aues.

Gazis.

Gazæ dicuntur diuitiæ **Persarum**, quos auro, gemmis & unguentis refertissimos fuisse constat. Statius lib. 1. Sylvarum. Dignæ Midæ, Cræsiq; bonis, & Perside Gaza. Sabellicus: Regia quod Cræsi cepit, quod Persica regum Gaza uetus.

Gryphibus.

Gryphes habent **Hyperborei** septentrionales. **Politianus**:
Gryphes Hyperboreos **Nemesis**, **Cytheræa** columbas.

Gobiis.

Gobiis **Venetis**. **Martialis**. In **Venetis** sint lauta licet con-
inia terris, **Principium** cœnæ **Gobius** esse solet.

Glanis.

Glanii pisces sunt, quos **Volaterranus** ex testimonio **Stephani**
grammatici, ait nasci apud **Glanium** **Cumarum** fluvium.

Gruibus piscibus.

Grus piscis est habens os & ceruicem grui aliti similem, &
squamas instar pennarū eius. Nutrit hūc piscem **Corinthium**
pelagus, magnitudine pedum x v.

Galgulis.

Galgulus auis est magnitudine turturis, toto corpore uiridis,
frequens in **Peloponneso**.

Graculis.

Venetorum **Adriam** incolentium regio tot habet gracu-
los, ut fruges populentur, & iacta absument semina.

Glasco.

Glasco herba est, qua **Plinii** temporibus **Britanni** se infi-
ciebant, atro colore terrorē ostentantes. Vnde **Martialis**: **Barba**-
ra de piscis ueni **Bascauda** **Britannis**. **Bapt. Pius**: **Et Galatæ**, **He**-
luetiiq; truces, pisciūq; **Britanni**.

Glaucione.

Glaucio herba est foliis similib⁹ **Papaueris**, frequēs in **Syria**.

Gagate.

Gagates lapillus nascitur in **Lycia**, iuxta ostium **Gagatis**
fluvii, unde nomen traxit.

Gypso.

Gypsum **Tympheticum** laudat **Plinius**, à **Tympho** oppi-
do. Plurimum quoq; effoditur in **Epiro**. Fit etiam in **Phœni**-
cia, **Turris** & **Perrhebia**.

Aliis rebus.

Gentianam herbam habet **Phœnicia** & **Illyricum**: **Gale**-
stitem gemmam **Achelous**, **Galbanum** herbam, **Syria**.

Hircis.

Clynphs fluvius est **Aphricæ**: apud quem grandes nascun-
tur **Hirci**, nilloq; tōsili. **Vergilius**: Nec minus interea bar-
bas, incanaq; menta **Cinyphii** tondent **Hirci**.

Hydris.

Nilus fluuius. Mantuanus in April: - Niligenas abigens ab ouilibus Hydros.

Helleboro.

Plurimum hellebori nascitur in **Oeta** monte. Autore Plinio.

Supra **Antyciram** quoque montes sunt petricosi, in quibus copiose prouenit helleborum. Hac autem herba purgantur insania. Propterea **Liuius Drusus** Tribunus pleb. quum morbum comitalem pateretur, Anticyram dicitur nauigasse, in eaq; insula helleborum bibisse, atq; ita morbo liberatum. Vnde etiam **Horatius** in Arte: Si tribus Anticyris caput insanabile, nūquam **Tonsori Licino** commiserit.

Apud **Helyconem** **Bœotia** mōtem, nascitur quoq; optimū, & cerebro utile, purgandæq; insaniae itidem efficax.

Herbis.

Homerus apud **Plinium** lib. 15. gloriam herbarum **Aegypto** tribuit. **Diodorus** de **Aegypto** loquens: Terra (inquit) inculta relicta pecori ad pastum aded exuberat herbis, ut oues bis anno pariant, bisq; præbeant lanam.

Aeschylus apud **Plinium** **Italiam** herbarum potentia referam prodit.

De **Acì** fluuiio. **Ouidius** libro 4. Fastor. Præterit & ripas herbifer **Acì** tuas.

Epyrus, Idem **Ouid.** lib. 8. Metam. Misit aprum quanto maiores herbida tauros Non habet **Epyrus**.

Herbis ueneficis.

De **Caucaſo & Scythia**, **Claudianus** lib. 1. in **Ruff.** Funestrarumq; potestas Herbarum, quicquid letali gramine pollens **Caucasus & Scythica** uernant in gramine rupes.

Colchos & Iberia, **Hor.** in **Epod.** Herbasq; quas **Colchos** atq; **Iberia** mittit uenenorum ferax.

In **Ponto** quoq; prouentus est malorum graminum. **Vergilius** in **Bucolicis**: Has herbas atq; hæc **Ponto** mihi lecta uenena Ipse dedit **Mœris**, nascuntur plurima **Ponto**.

Theſſalia, **Tibul.** lib. 2. Quicquid habet **Circe**, quicquid **Medea** ueneni, Quicquid & herbarum **Theſſala** terra dedit.

Hortis.

In **Phæacia** horti fuerunt memorabiles, & pomaria uariis referta fructibus. Quæ quum magno studio coleret rex eius loci **Alcinous**, **Deus** hortorū creditus est. **Stat.** lib. 1. **Syl.** Quid **Bifera** **Alci**

Alcinoi laudem pomaria, uosq; , Qui nunquam uacui prodistis
in aëra rami?

Syria fuit in hortis operosissima, autore Plinio. Inde quoq;
est prouerbum Græcis, Multa Syrorum olera.

Hyacyntho.

Hyacynthum florem mittit **Aethiopia**. Frequens etiam
nascitur in **Thermis Diocletianis**, Eximiè quoque prouenit in
Gallia, Autore Plinio.

Hysopo.

Hysopum montanum & hortense optimum nascitur in **Ci-
licia**, in **Tauro monte**, Dein probatur **Pamphilium** &
Smyrnæum.

Helenio.

Helenium flos est, quem lacrymis **Helenæ** fabulantur natū.
Reperitur in **Helenæ insula**.

Hippice.

Hippice herba est, qua pasti equi diuturnam famem sustinet
Vnde nomen sumpsit. Frequens est in **Scythia**. Prædulcis cir-
ca **Bœotiam**.

Herodiis.

Herodii aues sunt prope flumina degētes, frequētes in **Dio-
medæa insula**.

Hircis piscibus.

Hirci pisces circa **Cyrenaicum Sardoumçq; mare** ober-
rantes uisuntur cum Delphinis.

Aliis rebus.

Heliotropium herbam mittit **Aethiopia**.

Hephestitem gemmam, **Corycus**.

Hexeconthalithum gemmam, **Trogloditæ**.

Hematitem, **Aethiopia**.

Hydromellem, **Phrygia**.

Hyænas animalia, **Africa**.

Hematopodes aues, **Aegyptus**.

Hammoniacum, **Africa**.

Hiacynthos gemmas **Aethiopia**, atq; etiam **Chrysolytos**,
aureo colore translucētes. Quibus præferuntur **Indicæ**, & (si
uariæ non sint) **Bactrianæ**.

Ignibus.

A **Etna** inter montes igniferos numeratur. **Lucanus libr. i.**
-Et ardenti ciuilia bella sub **Aetna**.

Iaculis.

Gnosos urbs est Cretæ, cuius incolæ Iaculis claruerūt. Luca. lib. 3. Gnososq; agitare pharetras Docta, nec Eois peior Gortyna sagittis.

Iuncis.

Inter Iuncos præstantissimus est Nabathæus, deinde Arabicus, quem quidam Babylonicum uocant. Tertius Libycus, propè inutilis. Laudatur & Hispanus, quo fiunt funes.

Iri herba.

Iris herba est odorata, Raphano similis, unguentisq; & medicinæ aptissima. Frequens est in Cyzico insula.

Iride gemma.

Iris gemma (quam crematâ, tufamq; ad Ichneumonû morsus remedio esse Horus apud Pliniû prodit) nascitur in Perside.

Isati.

Isatis herba est fullonia, rubro colore, quam mittit Syria.

Iuniperis.

Scribit Plin. li. 16. uastas esse iuniperos in Hispania.

Insulis.

Idem lib. 3. ait, Illyrici oram mille amplius insulis frequentari, propter naturam uadosi maris.

Ichneumonibus.

Ichneumon serpens aspidi infestissimus frequens est in Aegypto.

Ibidibus.

Ibis auis circa Pelusium tantum nigra est, cæteris omnibus locis candida.

Lanis.

Miletos Asiæ fuit ciuitas, præstantia Lanarû (quæ ibidè inficiebantur) memorabilis. Vergilius lib. 3. Geor. Quâuis Milesia magno Vellera mutantur Tyrios imitata colores.

Tarenti quoq; optime inficiebantur Lanæ. Horatius libro secundo Serm. Lana Tarentino uiolas imitata ueneno.

In Canusio Appuliæ oppido, & Caledonia, seu Britannia fuit eximia lanarum bonitas. Quintianus in Cleopoli. Fama Caledoniæ sileat miracula Lanæ Et Canusina simul.

Lingonicas lanas probat Martialis lib. 11. dicens, Lingonicis agedum tumeat tibi culcitra Lanis.

De Melita insula maris Siculi, Silius libro decimo quarto: Telaq; superba Lanigera Melite, & littus piscosa Melæte.

Luceria uetus fuit Dauniorum oppidum, ubi sacrum Minervæ

neruæ fanum extitit. Eius Lanæ probat Horatius lib.3. Carm. Te Lanæ propè nobilem Tonſæ Luceriam, non citharæ decet. Plinius lib.26. comendat Galaticas, Tarétinas, Atticas, Mileſias.

Plinius lib.8. de lanis & cuibus loquens: **Hispania** (inquit) nigri uelleris præcipuas habet, Polentia iuxta Alpes cani, Aſia rutili, quas Erithras uocant, Item Bætica, Canuſium: Fului Tarentum.

Laſerpicio.

Laſerpicium genus eſt herbæ pretioſiſſimæ, & in medicinis optimæ (Silphion Græci uocant) cuius ſuccus Laſer, folium Maſpetū dicitur. Naſcitur hæc herba in diuerſis locis: ſed omnium laudatiſſima eſt apud **Cyrenem** Libyæ urbem. Catullus ad Lesbiam: Quam magnus numerus Libyſſæ arenæ Laſerpici feris iacet Cyrenis.

Lentiſco.

Linternus Campaniæ fluuius Lentiſco arbore abundat. Ouid. lib.15. Hinc calidi fontes, lentiſciferūq; tenetur Linternū.

Lactucis.

Plinius lib.19. ait, Lactucas in binos pedes aliquando ſe pandere, ſed in **Circelenſi** agro ampliſſimas prouenire.

Lauris.

In **Olympo** monte (inquit idem lib.16. cap.33.) nulla eſt arbor Lauro copioſior.

Idem lib.15. Laurus (inquit) non quia perpetuò uiret, nec quia pacifera eſt, præferenda utiq; Myrto, & Oleæ eſt: ſed quia ſpectatiſſima in monte Parnaſo, ideoq; etiam Apollini grata. Ouid. lib.11. Ille caput ſauum Lauro Parnaſide uinctus. Verg. lib.2. Georg. Et iam Parnaſia laurus Parua, ſub ingēti matris ſe ſubiicit umbra.

Laurum Penciā plerunq; appellant poëtæ, à **Peneo** Theſſaliæ fluuiio, iuxta quem frequens eſt hæc arbor. Valer. Flaccus lib.1. Et in ſummo Laurus Pencia Cano.

Permeſſum Bœotiæ fluuium, Lauros habere docet Pontanus lib.2. de hortis Heſperid. dicens: Bænaci de fonte ſerat Permeſſida Laurum.

Phocis, Sabell. in Eleg. Phocaicæ Laur⁹, Libethridūq; chori.

Sicyon quoq; urbs Oleo & Lauro abundat, unde Sicyonia bacca dicitur.

Plynius lib.15. ait, plurimam Laurum in **Ida**, & circa **Hercleam** Ponti prouenire.

Lacte

Lacte.

Safsina urbs Vmbriæ, Plauti patria, Lacte abundat. Martialis: Metam quod lactis Safsinate de sylua.

Lituanía tantam habet lactis copiam, ut eius regionis incolæ semper ferè lacticiniis utantur, & melle.

Habent & **Fortunatæ insulæ** magnam uim lactis: Vnde Hora. in Epod. Illic iniussæ ueniunt ad mulctra capellæ, Refertq; tenta grex amicus ubera.

Leonibus.

Africa. Ouid. lib. 4. Trist. Tempore Pœnorū compescitur ira Leonū. Idè de omnibus propè Africæ partibus memoratur.

Getulia. Hora. Atqui non ego te, Tigris ut aspera, Getulus ue leo, frangere persequor.

Lybia, Martial. lib. 7. Iam cernes Libycum uallo assultare leonem.

Caspia. Statius libro 8. Theb. Cæde redit, sic Hircana leo Caspius umbra.

Marmarica. Seneca in Agaménone: Marmaricus leo Morfus cruentos passus audacis leæ.

Massylia. Codrus: Antè pauens capiet Massylum dama leonem.

Habet & **Parthia** leones. Marullus: Quos fera tygris, quos leo Parthicus.

Mauritania. Pontanus: Sed prius aut Mauro ueniam fera præda leoni. Horatius lib. 1. Carm. Nec Iubæ tellus generat leonem Arida nutrix.

Plinius libro octauo scribit solā Syriā leones nigros alere.

Lente.

Lens legumen est, quo qui uescerentur, olim æquiore animo fieri crediti sunt. Frequens est **Aegypto**, **Pelusia** Nili ostio. Martialis: Accipe Niliacæ Pelusia munera Lentem. Verg. lib. 1. Geor. Nec Pelusiæ curam aspernabere lentis.

Lino.

Abundat **Aegyptus** Lino tenuissimo. Syllius lib. 1. Et Pelusiaco filum componere Lino. Argumentum maximæ tenuitatis est, quòd singula fila c c c l x v. filis constare dicantur, cuiusmodi uisa sunt in Thorace Amasis regis, qui Rhodi uisebatur. Autore Plinio. Aethiopes, & Indi ex malis, Arabes ex cucurbitis, Asiatici ex genista Lina demetunt.

Est & sua gloria **Cumano** in Campania, quò ad piscium capturam

pturam utuntur eius urbis incolæ.

Carbasinum Linum apud **Tarraconem** repertum est, ex quo nautica uela cōficiuntur: Ex quo & Carbasus nomē habet.

Nascitur Linum in desertis Indiæ, apud **Caristum** insulam, tanta bonitate & excellentia, ut margaritarum adæquet pretiū. Carbasinis uestibus Indi & Arabes corpora uelant, quæ sunt auro purpuraq; distinctæ, ut scribit Curtius. Vnde Propertius libro 4. Raptæ ue odorato Carbasæ lina duci.

Setabis urbs Hispaniæ agrum habet nomine Spartarium, à Sparto lini genere. Plinius quoq; scribit citeriorem Hispaniam habere splendorem lini præcipuum. Setabica lina probat Catullus dicens: Nam sudaria Setaba ex Iberis Miserunt mihi muneri Fabullus.

Larice.

Laricem arborem frequentem esse in **Ida**, docet Plin. lib. 16.

Luto fictili.

Samon & **Saguntum** Luto fictili ad uasa aptissimo abundare certum est. Martialis lib. 8. Ficta Saguntino Cymbia malo Luto. Eandem ob causam **Lagœna** uocatur **Saguntina** à Iuuenale.

Lænis uestibus.

Pellene urbs fuit Achaïæ, à Pellene Titane condita, apud quam optimæ fiebant Lænæ nestes, quæ egregiè bellantibus dabantur in præmium uirtutis.

Lapide speculari.

Lapis specularis in Hispania reperitur, & in **Bononia** Italiæ, quem quidam humore terræ glaciari modo crystalli dicunt.

Ladano.

Ladanum frutex est odoratus, quo abundant **Arabes** & **Nabathæi** Syriæ contermini.

Lacertis.

Nascuntur in **Arabia** Lacertæ duorum cubitorum, In **Nysa** uerò monte Indiæ x x i i i . pedum longitudine. Volaterranus scribit in Aethiopiæ insulis captam à regibus Lusitanæ Lacertam octonum cubitorum longitudine, tanto oris rictu, ut solidum infantem deuorasset.

Capraria una ex Fortunatis insulis, itidem Lacertis referata est. Autore Plinio.

Locustis.

Incolæ **Gasii** montis adeo quondam locustis infestati sunt, ut
contra

contra eas Iouis auxilium implorauerint, & Seleucidum auium eas perimentium aduentum.

Graculi à Theſſalis, Illyriis, & Lemniis, nutriuntur contra locuſtas, quorum ui maxima obrauntur, ubi certa menſura eſt præſinita, quam ſinguli enecarunt ad magiſtratus deferant.

Magneſii & Epheſii contra locuſtas ordine militari ad bellum exeunt, tanta eorum animalium ſcatent multitudine.

In mari Indico locuſtæ aquatiles quaterna implent cubita. Autore Plinio. In India ternum pedum longitudinis eſſe traduntur, cruribus & femoribus ſerrarum uſum præbentes quum inaruerunt.

In Cyrenaica regione lex eſt ter anno debellandi eas.

Necare & in Syria militari imperio coguntur, quæ tamen Parthis in cibo gratæ ſunt.

Lupis piſcibus.

Lupum piſcem laudatiſſimum capi Romæ in Tyberi fluuiio ſcribit Plinius lib. 9.

Lupis feris.

Cælius ſcribit Lupos apud Crotoniatas maximè ſcatere, à quibus Milonem ibidem deuoratum ſcribit.

Lagnibus.

Lagnis piſcis apud Mæandrum & Lycum Aſiæ, item apud Strymonem Europæ fluuios cernitur.

Loto.

Loton arborem gignit Africa, ſed præcipua eſt circa Syrtis, atq; Naſamones. Autore Plinio.

Lilio.

Lilium laudatiſſimum eſt in Antiochia, & Laodicea. Syrix, mox in Phaeſlide. Quartum locum obtinet in Italia naſcens.

Suſa urbs Perſarum à Memnone condita nomen ſumpſit à Liliorum multitudine. Nam Perſæ Suſam uocant Lilium.

Leporibus.

Baleares inſulæ tot quondam leporibus obrutæ ſunt, ut eius loci habitatores aduerſus prouentum eorum, auxilium militare ab Auguſto petiuerint. Nam prius famem regiõni populatis meſſibus attulerant. Leporem marinum tactu peſtilentem habet Indicum mare.

Lyncibus.

Lyncas frequenter generat Aethiopia. Autore Pl. li. 8. ca. 12.

Habet

Habet **Ledonem** herbā Arabia, Lesbidem gemmā Lesbos.
Melle.

HYbla mons Siciliæ optimo abundat melle. Martialis libro 11. Mella iubes Hyblæa tibi, uel Hymettia nasci.

Sicilia. Varro lib. 3. de re Ru. Propter hoc Siculum mel fert palmam, quod ibi thymum bonum & frequens est.

Hymettus mons Atticæ. Statius lib. 6. The. Stridēt & Hymettia mella.

Attica. Ouidi⁹. Adiice de flauis Attica mella fauis. Plinius: Mellis Attici in toto orbe summa laus existimatur.

Calydna una est Cycladū, mellis itidē ferax. Ouidius lib. 8. Dextra Lebynthos erat, fœcundaq; melle Calydna.

Scribit Plin. Sabæos esse ditissimos syluarū fertilitate odorifera, auri metallis, agrorum, rigui mellis, cæræq; prouentu.

Calabria. Horat. Quāquā nec Calabræ mella ferūt apes.

In **Fortunatis** insulis copia est optimi mellis. Horatius: Mella caua manant ex ilice montibus altis.

Cyrnus insula est abundans melle, sed illaudato. Vergil. Sic tua Cyrnæas fugiant examina taxos.

Torini populi Indiæ uicitant melle, quo affluunt. Val. Fla. lib. 6. Mellis honos Torinis.

Strabo ait in **India** arundines sine apum auxilio mel ferre suauissimum.

Mellaria oppidum Hispaniæ meruit nomē à copia mellis.
Marmore.

Sinada oppidum Phrygiæ, ad l. x. stadia proximum habet uicum Docimum, ubi marmor nascitur, quod incolæ Docinitem, Romani Sinadicum uocant. Horatius: Quod si dolentem nec Phrygius lapis, Nec purpurarū sydere clarior Delinit usus. Hac ratione Pontanus Idæas uocat columnas dicens: Hinc etiā templa Idæis innixa colūnis. Statius lib. 1. Syl. Sola cauo Phrygiæ mittit quam Sinados antro, Ipse cruentauit maculis lucen-
tibus Atys.

Commendatur & marmor **Numidicum**, quod M. Lepidus primus omnium Romæ ostendit, maculis quidē purpureis uariatum: nā hunc lapidē Atys quum in Phrygia Cybelem fugeret, cruentasse dicitur. Vocatur autē Porphyrites. Plinius ait, præter marmoris Numidici, ferarumq; prouentū, nullum aliud esse regionis insigne. Martialis: Marmore picta Nomas.

Laconicum marmor uiride erat, & cunctis hilarius, om-
d mniūq;

mnitūq; pretiosissimū. Stat. in Syl. Hic dura Laconū Saxa niret.

Tænarus Laconiae promontorium marmor habuit laudatissimum. Tibullus: Quid'ue domus prodest Phrygiis innixa columnis, Tænare siue tuis, siue Caryste tuis?

Thasos Cycladum una marmor habuit maculosum, quod Thasium dicitur.

Carystos urbs Euboiae, marmor habuit laudabile, quo primus in columnis Romae usus est Mamurra. Plinius: Carystos (inquit) nobilis, nobilior tamen marmore. Lucanus: Qua maris angustat fautes lapidosa Carystos.

Luna urbs Ethruriae marmor habuit candidum & lucidū, quam propterea metalliferam, id est Marmoris feracem, uocat Statius, dicens: An ne metalliferae repetit iam mœnia Lunae.

Eurotas Laconiae fluius, ab eiusdem rei praestantia comedatur.

In Syene Aegypti urbe fodiebatur etiam maculosum marmor, quod Pyropœcidos, id est, igneis maculis uariatū dicitur. Eo faciebant obeliscos Aegypti reges.

Paros quoque Aegaei maris insula marmor habuit laudabile. Plinius scribit Aegyptiū Labyrinthum lapideis à Paro columnis fuisse factum. Horatius: Vrit me Glyceræ nitor, Splendens Pario marmore purius. Ouidius lib. 3. Metamor. Hæret ut à Pario formatum marmore signum.

Apud Sicyonem marmorum fuit nobilis uena, ubi Dipœnus & Scyllus cælatores patria Creteneses claruerunt.

Chios quoque maris Aegaei insula, Taygetus, seu, Taygetum mons Laconiae, Hymettus Atticae, Donisa, Liguria, Dalmatia marmoris eximii laudem meruerunt.

Meretricibus.

In Suburra uico urbis Romae fuerunt meretricum domicilia, quae propterea Suburranae dicuntur. Pamphilus: Deque Suburanis Thaida fornicibus. Martialis: Famæ non nimium bonae puellam, Quales in media sedent Suburra.

Corinthus urbs tantis deliciis encruata est, ut Veneris templum ibidem fuerit, ubi mille circiter elegantes meretrices paratæ erant uenientibus se prostituere, inter quas numerantur præcipui nominis, Lais, Thais, Cyrene, Læna, Synope, Phryne, Sicyone. Unde natum proverbium, Corinthiari, id est, Lasciuire.

Myrtis.

Sparta. Vergil. in Battarum: Et uiolæ genus omne hic est, & Spartica Myrtus.

Orontes.

Orontes. Salmonius: Nō Thabor horum animos, nō myrtifer angit Orontes. **Eurotas.** Catullus. Quales Eurotæ perpingunt flumina Myrtos.

Metallis.

Ilua Insula Thusciz adiacens, clara est metallis. Ver. lib. 10. - Ast Ilua trecentos, Insula inexhaustis Chalybum generosa metallis. Plinius: Venaria Ilua, cum ferri metallis.

De Amathunte Cypri ciuitate, Ouidius lib. 10. At si forte reges fecundam Amathunta metallis.

De Themese Cypri urbe. Statius lib. 1. Syl. Et queis se totis Temese dedit hausta metallis. Ouidius lib. 15. Hippotadæq; domos regis, Temesesq; metalla.

De Luna urbe Ethruriæ, Statius lib. 4. Syl. An ne metalli feræ repetit iam mœnia Lunæ?

Posidonius dicebat Plutum deum opulentiz habitare subterranea Hispaniæ: tanta est in eo terrarum tractu, metallorū fecunditas.

Italia (inquit Plinius) metallorum omnium fertilitate nullis cedit terris.

Murice.

Murex piscis est, cuius humore fit color purpureus, & quandoq; pro purpura capitur. Murice autem clauerunt loca sequentia: **Tyros**, Vergilius: Tyrioq; ardebat Murice læna.

Africa, Horatius: Te bis Afro murice tinctæ Vestiūt lanæ.

Baiæ. Idē lib. 2. Ser. Murice Baiano potior Lucrina Peloris.

Gerulia. Idem, Argentum, uestes Getulo murice tinctas.

Phocis. Ouidius li. 6. Meta. Phocaico bibulas tingeat murice lanas.

Tarentum, Sidonius: Muricis Tyrii, seu Tarentini cōchyliato ditat indutu.

Sidon. Lucanus: Et Tyros instabilis, pretiosaque murice Sidon.

Laconia. Pamphilus, Pieta, nec Oebalio fulget quæ murice nestis.

Afsyria. Sidonius: Afsyrius murex, nec tibi signa dabit. Idē dicendum de locis Ostro & purpura claris.

Murius.

Cosæ urbs Italiæ, murium quotidie erumpentium multitudine obruta est.

Tanta est in **Aegypto** murium abundantia, ut & segetes

populentur, hisq; litatione & uotis resistere oporteat.

Argillus mons Thraciæ dictus est à multitudine murium, qui in terra ibidem reperti sunt concertantes. Argillus lingua Thracum mus dicitur.

Scribit Plinius ex Gyaro Cycladum insula, incolas à muribus fugatos.

Plurimi & ad **Troadem** perueniunt, unde iam magno prouentu fugauerunt accolae.

Tantus fuit apud Persas murium prouentus, ut repertæ sint prægnantes in utero parentum. teste Plinio.

Messibus.

Habet **Aegyptus** binas in anno messes, ac totidem æstates. De **Africa** & **Aegypto**, Statius lib. 3. Syl. Quod messibus Afris Verritur, æstiferi quicquid terit area Nili. Aegyptus ab antiquis orbis horreum uocata est, quò Dei animi gratia & salutis confugere soliti sunt.

Libya, Horatius: Quicquid de Libycis uerritur arcis. Mart. Possideat Libycas messes, Hermumq; Tagumq;.

Coronia, urbs Thessaliæ. Statius li. 7. Theb. Exilè Glisanta, Coroniamq; seracè, Messe Coroniam, Baccho Glisanta colentes.

Gargarus mons in Ida. Claud. iam flauescencia centum Messibus, æstiuæ detondent Gargara falces.

Mercibus.

Orientales populi uariarum rerum mercibus, ut gemmis, auro, argento, thure, Balsamo, cæterisq; rebus aromaticis abundant. Hinc Stroza filius merces Eoas uocat, dicens: Ille dat Eoa lectos de merce lapillos.

Thebæ urbs centum portarum fama nobilis copiosa fuit Indicarum, Arabicarumq; mercium.

Minio.

Minio pigmento abundat **Minius** Iberiæ fluiuius, nomè inde adeptus. Proper. Vt Mæotica nix Minio si certet Ibero.

Sisapo locus Hispaniæ optimū habet Minium. Pli. Celeberrimū Miniū ex Sisaponensi regione Betica. Miniario metallo.

Reperitur & Minium apud **Colchos**, in rupe quadam inaccessa. Optimum uerò supra **Ephesum**.

Margaritis.

Margaritis lapillis abundat **India**. Plin. Quātū apud nos Indicis margaritis pretiū est. Idē lib. 9. Principium ergo, culmenq; omniū rerū pretiū, margaritæ tenēt. Indicus maximè has mittit

Oceanus.

Oceanus. Bap. Pius: Indaq; gemmiferis margaris acta uadis.
Habet etiam margaritas **Taprobane** Arabiæ insula: item
Perimula promontorium Indiæ. Laudantur circa Arabiam in
Persico sinu maris rubri.

Scribit Plin. **Cascandrum** insulam esse desertam in Ocea-
no Indiam uersus, margaritis quæstuosam.

Tilos quoq; Arabiæ insula, celeberrima est margaritis.

Palæogones incolæ sunt Taprobanes insulæ, auri, margari-
tarumq; grandium fertiliores quàm Indi.

Tacitus scribit **Britanniam** aurum & argentum, aliaq; me-
talla gignere, & Oceanum margaritas, sed subfuscas & lucentes.
Suetonius ait Cæsarem in Britanniam nauigasse, causa Marga-
ritarum.

Mulis.

Hispania. Stroza pater: Hispanasq; simul mulas, mannosq;
Britannos Adde.

Murenis piscibus.

Mare Siculum. Martialis: Quæ natat in Siculo grandis
murena profundo.

Plinius probat lupum Tyberis, Rhombum Rauennæ, Mure-
nam Siciliæ, & elopem Rhodi.

Sunt & prope **Tartessum** Hispaniæ urbem delicatæ Mu-
renæ. Quintianus: Traxit & Tartessia Murena quosdam.

Magalibus.

Magalia, seu mapalia dicuntur Getulorum casæ, quæ calamis
teguntur. Martialis: Tecum ego, uel sicci Getula mapalia Pœ-
ni, Et Poteram Scythicas hospes amare casas.

Ad hunc locū facere uidetur, quod Sallustius scribit de Nur-
midis, quos ait habuisse alueos nauium inuersos pro tuguriis.

Scythæ quoq; non alias domos habuerūt, quàm uolubiles,
& plaustris ductiles. Vnde Horat. Campestris melius Scythæ,
Quorū plaustra uagas rite trahūt domos, Viuūt, & rigidi Getæ.

Myrrha.

Myrrham arbusculam aromaticam succo distillantem habet
Arabia. Vergilius in Cyri: Ille Arabis myrrhæ quondam qui
cepit ocellos.

Habet Myrrham Orontes. Propertius: Aut quid Orontea cri-
nes perfundere myrrha?

Afsyria. Pontanus: Et afsyriam redolentia pectora myrrhæ.

Excellit & Troglodytica Myrrha, quæ lucida est, subui-
d 3 ridis,

ridis, & mordax.

Musculis.

Musculi pisces nascuntur in **Stymphali** Arcadiæ.

Muriis.

Antipolis urbs Asiæ, Muriis & Thynnīs piscibus abundat. **Martialis**: Antipolitani fateor sum filia Thynni.

Monilibus.

India, Statius li. 1. Syl. Huic Inda monilia Glaucū, Proteaq̃, atq; omnem Nereida quærere iussi. Vbi loquitur de forma, & cultu Violantillæ uxoris Stellæ poetæ Patauini.

Murrha gemma.

Murrham gemmam (qua fiebant murrhea, seu murrhina pocula pretiosa) multis in locis mittit **Parthia**. Propertius: Murrheaq̃, in Partis pocula cocta focis.

Montibus.

Macedonia perpetuis montibus cingitur. Habet ab Oriente **Ossam** & **Pelion**, Ab occasu **Pindum**, Ab Aquilone **Olympum**, à Meridie, **Othryn**.

Corfica quoq; montibus, tanquàm uerticibus, abūdat. **Vnde** & nomen sumpsit, Corfas enim tempora Græci uocant.

Molaribus.

Antron urbs est Thessaliæ, cauernis & cuniculis abūdans, quibus optimi lapides ad molas eruuntur. Gellius uocat molas illas trusatiles, ubi loquitur de Plauto: quē ait operā pistori locasse, & fecisse quēstū in agēdis molis illis, quas trusatiles uocant.

Melino.

Melinum pigmentum nomen sumpsit à **Melo** insula, unde exportatur.

Magnete.

Magnes lapis est argento similis, ferrum ad se attrahens. Repertur in **India**, & in **Siphno** insula maris Aegæi.

Melonibus.

Melones (quos ueteres Melopepones dicebant) fructus sunt hortēses, qui humi rotundātur. **Spartianus** Ostiensēs probat.

Muscis.

Plinius ait **Cyrenaicos** Achorem deum contra multitudinem muscarum inuocare, eiq; litare consueuisse. Muscarum multitudo depopulata est quondam **Megarenses**.

Myrica.

Myrica arbuscula, nascitur domestica in **Aegypto**, & alibi agrestis.

agrestis.

Myrobalano.

Myrobalanū arbor est frequēs apud **Troglodytas** **Aethiopiae**, Aromaticam ferens glandem, qua fit unguentum preciosum. Palma quæ fert myrobalanum, probatissima est in **Aegypto**.

Malobathro.

Malobathrum unguentum est odoriferum, **Syriæ** regioni peculiare. **Horatius**: Cum quo morantem sæpe diem mero **Fregi**, coronatus nitentēs **Malobathro** **Syrio** capillos.

Meliloto.

Melilotos herba est suavis & mellea, de qua **Ouidius**: Pars thyma, pars rores, pars meliloton amant.

Melilotos optimus est **Atticus**: Nascitur & in **Campania** circa **Nolam** mellini coloris, odorisq; uehementis.

Mantichora.

Mantichoram feram **India** gignit magnitudine leonis, pelle uillosa & purpurea, uultu & auribus propè humanis, triplici dentium serie in utraq; maxilla, utrinq; aculeis cuspidatam, quos in certamine pro telis iaculatur.

Monope.

Monopem animal tauri magnitudine habet **Pæonia**.

Muribus Araneis.

Muribus Araneis, (quos **Herodotus** **Mygdalos** uocat) scates **Britannia**.

Monocerote.

Monoceros fera est saxuissima, capite ceruino, pedibus elephantinis, cauda aprina, reliquo corpore similis equo, uno in frōte cornu duūm cubitorum arinata: Nascitur in **Aethiopia**.

Margaris.

Margari pisces sunt specie rotunda, & gregatim natantes, ac regem sectantes more apum. Reperiuntur in mari rubro.

Membranis.

Membranz **Pergami** primum repertæ sunt.

Malis punicis.

Malum punicum, seu granatum, frequens est apud **Carthaginem**, unde cognomen sumpsit.

Malis Cydoneis.

Malis Cydoneis (quæ & **Cotonea** dicuntur) nomen dedit **Cydon** urbs **Cretæ**, in qua magnus fuit eorum prouentus.

Milio.

Milio gaudet **Campania**, pultemq; candidam ex eo facit.

Sarmatarum quoq. gentes hac maxime pulte aluntur.

Aethiopes nō aliam frugem, quā milii, hordei q; nouere.

Habent & **Niuerni** agros milio, perinde ac frumento, aut aliis segetibus refertissimos, quo etiam contrito, & in farinam redactō pultem conficiunt.

Malua.

Maluas **Plin.** scribit in **Arabia** septimo mense arborefcere, quod est argumentum magnæ fertilitatis.

Moly herba.

Moly herba à **Mercurio** reperta, maxime contra uenena efficacix, nascitur in **Cyllene** **Arcadiæ**.

Militibus.

Plinius scribit **Italiam** nuntiato Gallico tumultu solam sine externis ullis auxiliis armasse peditum L x x x. milia, Equitum D c c. milia.

Mulis piscibus.

Mulos pisces **Septétrionalis** gignit **Oceanus**, & proxima pars occidentis.

Merulis albis.

Merulæ circa **Cyllenem** **Arcadiæ**, nec usquā alibi candidæ nascuntur.

Aliis rebus.

Mithridanion herbam generat **Pontus**. **Melichrysim** gemmam **India**. **Magudarim** caulem **Syria**. **Mastichem** arborem **Chios** insula.

Niuibus.

Taurus, **Othrys**, **Rhodope**, **Scythia**, **Thracia**, nullo ferè tēpore nō rigent niuib⁹, gelu, ac glacie. **Taurus**, **Remaclus**: **Nubibus** impono **Taure** niuose tuis. **Scythia**, **Lucanus**: **Solibus** & nullis **Scythicæ**, quū bruma rigeret, **Dimadiuere** niues. **Thracia**, **Statius** lib. II. **Bistonix** tepuere niues. **Ouidius**: **Brachia** **Sythonia** candidiora niue. **Othrys**. **Claudianus**: **Lassa** per **Othryas** fundere membra niues. **Rhodope**. **Ouidius** in **Episto**. Quā patet umbrōsum **Rhodope** glacialis ad **Hemum**.

Scribit **Plinius** **Atlantis** uerticem, altis etiam æstate, niuib⁹ operiri.

Nemoribus.

Zacynthos insula non procul **Corinθο**. **Verg.** lib. 3. **Aene-**
Iam

Iam medio apparet fluctu nemorosa Zacynthos.

Egaleos mons Atticæ. Statius lib. 12. Diues & Egaleos nemorum, Parnesq; benignus Vitibus.

Atlas (inquit Martianus Capella) nemorosus est, scatēs fontibus, sed rupibus infœcundus.

Nucibus.

Auella urbs Campaniæ, nuces habuit præstantissimas. Plinius: Nuces Auellani capitis dolorē faciunt. Verg. Et qui maliferæ despectant mœnia Auellæ.

Plinius laudat **Tarentinas** amplitudine, & putaminis mollicie. Columella: Nucem Græcam Auellanam, & Tarentinam hoc modo facere poteris.

Thasiæ. Quintianus: Thasia nux quosdā, Cilix & piscis aliquos. Varro apud Gelliū Scaros Cilices, nuces Thasias, palmas Aegyptias, glandes Ibericas inter cibos electiles reponit.

Optimum genus Nucum fuit **Persicum**, autore plinio. Politianus in Rust. Cornaq; cum Cerasis, duroq; putamine clausa Persica nux.

Plinius laudat **Ponticas**. Vnde Statius lib. 1. Syll. Quicquid nobile Ponticis nucetis.

Nardo.

Nardus, seu Nardum frutex est aromaticus, quo India & Persis abundant. Horatius: Nunc & Achæmenio perfundi Nardo iuuat. Plinius: Cuius folia nihil ab Indico nardo distant.

Nymphis.

Oceanus Nympharum omnium pater est. Catullus: Non genitor Nympharum abluat Oceanus.

Napis.

Amiternum urbs Campaniæ Napis abundat. Martialis: Hos Amiternus ager felicibus educat hortis. Plinius: Napi uerò Amiternini (quorum eadem ferè natura) gaudent æque frigidis. Napis in Aegypto mire celebratur propter olei celebritatem, quod de semine eius faciunt.

Nebridibus.

Nebrides dicuntur damarum, seu ceruorum pelles. His abundat mons **Nebris** nomine, autore Solino.

Nitro.

Nitrum lapis est sulphuri commixtus, & natura sali proximus. Apud Epirum fit eodem quo sal modo. Optimum crescit in **Macedonia**, quod uocant **Colestricum**. In Aegypto conficitur

citur multò abundantius, sed deterius. Nitrariæ egregiæ Aegyptiis circa Memphim esse consueuerunt.

Nasturcio.

Nasturcium herba est torporem & hebetudinē excitans. Frequens est apud Babylonem.

Neadibus.

Neades animalia sunt, quorum uoce abruptitur terra. Reperiuntur in Samo insula.

Narcisso.

Plinius ait probatissimum narcissum crescere in Lyciæ montibus.

Ostro.

Lemannus lacus, Gebennæ propinquus, colore muricis abundare arguitur dicto Ricardi Bartolini: Ostrifero naidum caput obiectare Lemanno.

Sarra, seu Tyros. Vergilius: Vt gemma bibat, & Sarrano dormiat ostro,

Sidon. Ouidius: Hic qui Sidonio fulget sublimis in ostro.

Assyria. Vergilius in Cÿri: Non Libys Assyrio sternetur lectulus ostro.

Phœnicia. Ruffus Festus: Agenoreo color hinc mentitior ostro.

Tænarus mons Laconia. Aegidius Maserius: Commendat ostrum Tænarus, atq; Tyros.

Chalcedon. Luc. lib. 9. Pontus & ostriferā dirimat Chalcedona cursu.

Oleo, & Oliuis.

Venafrum Campaniæ oppidum præcipuam olei laudem meruit. Martiar. lib. 13. Hoc tibi Campani sudauit bacca Venafrum Vnguentum. Horat. Pressa Venafrana quod bacca remisit Oliuæ. Plinius: Et uulgò (inquit) principatum hoc bono obtrinit Italia toto orbe, maxime agro Venafrano.

Picenum regio Italiae. Martial. Si mihi Picena turdus Palleret oliua. Oliuam Picenam commendat Plinius.

Sicyon urbe Achaiae. Ouid. in Ibin: Aut ut oliuifera quondam Sicyone profecto.

Trebia, seu Trebula urbs Italiae (quæ prius Nitisca dicebatur) etiam clauit oliuis. Verg. lib. 7. Ereti manus omnis, Oliuiferæq; Nitiscæ.

Peparethros insula. Ouid. lib. 7. Meta. Et Giaros, nitidæq; terax.

ferax Peperethos oliuæ.

Ager Sabinorum. Ouid. lib.3. Fast. Primus oliuiferis Romam deductus ab aruis.

Eurotas fluuius Laconix. Sta. lib.4. Theb. Taygetiq; phalanx, & oliuiferi Eurotæ Dura manus.

Licabesos mons Atticæ. Stat. lib.12. Parnesq; benignus Viribus, & pingui melior Lycabesos oliua.

Betis Hispaniæ fluuius. Martialis; Betis oliuifera crinem redimite corona. Plinius: Glareosum oleis solum aptissimū in Venafrano, pinguisimum Betica. Idem: Betica quidem menses uberrimas inter oleas meret.

Paropotamia proxima Tigri regio non palmetis modo, uerum & oleo, pomisq; & aliis arbutis nobilis est.

Oliuis etiam abundare **Fortunatas insulas** ostendit Horatius dicens: Germinat & nunquam fallentis termes oliuæ.

Taburnus mons Campaniæ. Vergilius: Iuuat Ismara Bacco Conserere, atq; olea magnum uestire Taburnum.

Ouis.

In **Velitris** Vollicorum oppido, fuit ouorum ingens abundantia. Mantuanus: Iam latii Romam caput, ouiferasq; Velitras.

Pygmaeorum casus luto, pennisq; & ouorum putaminibus contrui scribit. Plin. lib.7.

Oonæ eodem teste insulæ sunt Ponti, in quibus ouis auium & auenis uiuunt incolæ.

Ouibus.

Galesus, Calabriæ flumen, ouium multitudinem quondam fertur habuisse. Horatius libro 2. Carmin. Dulce pellitis ouibus Galesi flumen.

Canusium urbis est Appuliæ, in qua lanæ erant rutili coloris. Iuuenalis Satyr.6. Pastores, & ouem Canusinam, ulmosq; Falernas.

Gallia. Horatius: Nec pingua Gallicis crescunt uellera pascuis.

Calabria, & Appulia. Colu. lib.8. Generis eximii Calabras, Appulasq; miutes nostri existimabant, earumq; optimas Tarentinas. Nunc Gallicæ preciosiores habentur, earumq; præcipue Altinates. **Altinum** autem oppidū est in palude positum, similem Rauennæ situm habens. Martialis: Velleribus primis Appulia prima, secundis Nobilis Altinum, tertia laudat ouis. Plinius: Lana autem laudatissima Appula, & quæ in Italia Græci peco

pecoris appellatur, alibi Italica. Tertium locum Mileſiæ oues obtinent. Appulæ breues uillo, nec niſi penulis celebres. Circa Canuſium, Tarentumq; ſummam nobilitatem habent.

Tibareni populi ſunt Trapezonti imminentes, Chalybibus uicini, ouium præſtantiffimi cultores. Prifcianus ſeu Rheſnius in Dionyſii Geographia: Hic pecorum eſt diues nimirũ gens Tibarenũ. Hanc prope ſunt Chalybes duriffima regna colentes, Quos labor exercet ſæuus, ferriq; metalla.

Aegyptus adeò herbis exuberat, autore Diodoro Siculo, ut oues bis anno ibidem pariant, bisq; præbeant lanam.

Herodotus ait in Arabia eſſe oues cauda trium cubitorũ, quàm per humum trahunt.

Sunt & minutiffimæ oues in Chio pabuli inopia, quarum tam en lacte caſeus conficitur laudatiſſimus. Ibidem agni ſtatim à partu matrem paſtoremq; agnoſcunt, & circa petulca laſciaia ſubſiliunt.

Ornis.

Pelion mons Theſſaliæ. Val. Flac. lib. 1. Argo. Quantum Pelias in uertice uicerat ornos.

Odoribus.

Arabia propter uarias herbas, fruticesq; aromaticos, tota eſt odorifera. Statius lib. 1. Syl. Odoriferis Arabũ quod doctus in aruis. Tibullus: -Vrantur odores, Quos tener è terra diuite mittit Arabs.

Saba. Colu. lib. 11. Cœlitibus, templisq; Sabæum miſcet odoſem. Statius libr. 2. Syl. Odoriferos exhauiſit flamma Sabæos. Plinius ſcribit Sabæos ditiffimos ſyluarũ fertilitate odorifera.

Perſis. Syllius lib. 15. Altera Achæmenium ſpirabat uertice odorem. Ad hoc alluſit Horatius: Perſicos odi puer apparatus.

Aſſyria. Catullus: Fragrantem Aſſyrio uenit odore domũ.

Panchaia, & Idaspes. Claudianus: Quicquid thuriferis ſpirat Panchaia ſyluis, Quicquid odoratº lºge blånditur Idaspes.

India. Syllius li. 17. Qualis odoratis deſcendit Liber ab Indis.

Armenii. Tibull. lib. 1. lætat odoratos uota per Armenios.

Oraculis.

Apud Delphos, oppidũ Phocidis, dabantur Apollinis oracula. Plinius: Subeunt in hac reputatione Delphica oracula, uelut ad caſtigandam hominum uanitatem à deo miſſa.

Oſtreis.

Oſtea, ſeu Oſtræ appellantur aquatiles conchæ, quarũ olim uſus

us erat in deliciis. Optimæ fuerunt in lacu Lucrino. Martialis : Ebria Baiano ueni modo concha Lucrino. Horatius : Non me Lucrina iuuerint conchylia. Sergius Orata (qui primus ostrearum piscinas habuit) optimū saporē Lucrinis adiudicauit.

Gerardasca stagnum est agri Volaterrani, optimis ostreis refertum.

Baiæ. Adrianus Cardin. Baiana ostrea, murices, luposq̃.

Circæ. Hora. Ostrea Circæis, Miseno oriuntur echini.

Abydus. Mantuanus: Vnus, & ostriferam Sesto qui iunxit Abydon.

Oppidis.

Alexandri magni comites in eo tractu **Indiæ**, quem subegerant, scripserunt quinq̃ milia oppidorum fuisse, Indiamq̃; tertiam partem esse terrarum omnium, & multitudinem gentium innumeram probabili ratione. Indi enim propè gentium soli nunquàm emigrare suis finibus.

Betica olim habuit oppida 175.

Oleribus.

Syria in hortis operosissima oleribus abundauit. Vnde natum Adagium, Multa Syrorum olera.

Onagris.

Onagri syluestres alini præcipui sunt in **Phrygia** & **Lyconia**. Sunt & in **Mauritania** cursu pernices, citoq̃; desistentes, quos anhelos uenatores propterea facillè capiunt.

In **India** reperiuntur agrestes, equi magnitudine, capite penè rubenti, oculis cæruleis, uno in fronte cornu.

Onocrotalis.

Onocrotalos aues, olorum similitudinem habentes, **Gallia Septentrionalis**, Oceano proxima mittit.

Onychite.

Onychitem gemmam in **Arabia** montibus, nec usquàm alibi nasci ueteres putauerunt.

Aliis rebus.

Othonem & **Oenanthem** herbas habet Syria. **Opalos** gemmas, India. **Ocrum** pigmentum, **Topazonos** insula. **Obsidiarum** lapidem, **Aethiopia**. **Oryges** feras, **Africa**. **Origanum** herbam, **Bœotia**.

Pice.

Plinius: Asia picem Indicam maximè probat. Græcia **Piericam**, **Naryciam**. Verg. lib. 2. Georg. dicens: Et iuuat undan
tem

tem buxo spectare Cytorum, Naryciæq; picis lucos. Est autem **Narycia**, seu Narycium oppidum Volscorum. Colu. li. ii. Sobolē dabit illa capacē Naryciæ picis, aut Actæi mellis Himetti.

Est & circa **Idam** in Troade pix plurima. Vergil. lib. 3. Georg. Idæasq; pices, & pingues unguine cæras.

Illyrium, seu **Illyria** Epyri regio, Italiæ propinqua pice quoq; abundat. Ouidius: Nigrior Illyrica cui pice sanguis erat.

Theopompus apud Plinium testis est, in **Apolloniatarum** agro picem fossilem non deteriorem **Macedonica** inueniri.

Piceis Arboribus.

Picea arbor frequens est in **Pado**: Vnde impositum fluuii nomen. Pades enim Picea Gallice uocantur, inquit Plinius.

Palmis.

Apud Hæssenos populos urbs est **Eggada** nomine, fertilitate, & nemoribus palmetorum nobilis.

Aegyptus. Plinius: Palma (inquit) quæ fert Myrobalanum, probatissima est in Aegypto. **Quintianus**: Inuenta mensis palma mox Aegyptia.

Idume prouincia Syriæ palmis luxuriat. **Lucanus**: Et arbuto palmarū diues Idume. Vergil. lib. 3. Georg. Primus Idumæas referam tibi Mantua palmas.

Hiericus oppidum est Idumææ, in cuius agro Strabo ait palmetum esse centum stadiorum, Plinius Hiericuntem palmetis confitam, & fontibus irriguam uocat. Idem: Sed ut copia (inquit) ibi atq; fertilitas, ita nobilitas in Iudæa: nec in tota, sed Hiericunte maximè.

In **Babylonia** per omnem regionem palmæ sunt sua sponte nascentes, plæræq; fructiferæ.

Arabia. Ouidius lib. 10. Palmiferos arabes, Pauchæaq; rura reliquam.

Pharos Aegypti Insula. Ouid. lib. 2. Eleg. Quæ colis & Mæphin, palmiferamq; Pharon.

Selinis urbs iuxta Lilybæum. Syllius: Audax Hybla fauis, palmis quoq; onusta Selinis. Verg. lib. 3. Aen. Teq; datis linquo uentis pamosa Selinis.

Plinius scribit Iudæam esse inclytam palmis.

Est & in **Lyguria** castrum S. Romuli palmis nobilibus refertum.

Canaria una ex Fortunatis insulis abundat palmetis, cariotas,

tas, id est, palmarum fructus ferentibus. Martialis: Notæ cariotides theatris. Statius: Prægrandes cariotides cadebant.

Tylos insula maris Persici, palmas, oleas, uites, ficos, & uaria pomorum genera profert.

Thebæ Aegyptiæ palmis itidem fecundæ fuerunt. Statius: Seu quæ palmiferæ mittunt uenalia Thebæ.

Pomis.

Tybur oppidum non procul Roma, pomis abundauit. Colu. libro 11. Et turris lacus, & pomosi Tyburis arua.

Phæacum regio tanta pomorum ubertate claruit, ut præmaturis fructibus noui statim succederent. His autè præfuit Alcinous. Stat. libro 1. Syl. Quid bisera Alcinoi laudem pomaria, uosq; Qui nunquam uacui prodistis in æra rami? Iuuenalis Saty. 5. Illa iubebit Poma dari, quorum solo pascaris odore: Qualia perpetuus Phæacum Autumnus habebat.

Anio fluuius Tyburi propinquus, etiam pomis abundat. Propertius: Ramosis Anio qua pomifer incubat aruis.

Phalisci, Volscorum populi, etiam abundant pomis. Ouid. lib. 3. Eleg. Quum mihi pomiferis coniux foret orta Phaliscis.

Aspagones Indiæ populos, uitis, lauri, buxi, pomorumq; omnium in Græcia nascentium fertiles scribit Plinius.

Omnes **Fortunatæ Insulæ** copia pomorum & auium omnis generis abundant.

Plumbo.

Mictis Insula candidum generat plumbum. Plinius lib. 4. cap. 16. Timæus historicus à Britannia introrsus sex dierum nauigatione abesse dicit insulam Mictim, in qua candidum plumbum proueniat.

Ex **Cassiteride** insula, ait Plin. lib. 7. cap. 56. plumbum prius apportauit Midacritus.

Cantabria nigro abundat plumbo.

Pantheris.

Hyrkania Scythiæ pars Pantheris, Pardis, & Tygribus abundat.

Pinis.

Atlas mons, Aufonius: Nec pimifer Atlas Amphitryoniadem puerum.

Ida. Statius libro 3. Syl. Pergame pinifera multo præciosior Ida.

Lycæus mons Arcadiæ. Statius lib. 7. Theb. Nec sua pinigero magis adnatet umbra Lycæo.

Simois

Simois fluius Phrygiæ. Statius lib. 12. Pinigeri rapitur Si-
moëntis ad amnem.

Mænalus. Vergil. Pinifer illum etiam sola sub rupe iacen-
tem Mænalus, & gelidi fleuerunt saxa Lycæi.

Ossa mons Thessaliæ. Luca. Quantus Piniferæ Boreas quî
Thracius Ossæ Rupibus incubuit.

Othrys. Valerius Flac. Parnasi lateant iuga, cesserit Othrys
Piniger.

Portis.

Aegyptiæ Thebæ centum portis nobiles fuerunt. Iuena-
lis: Ecce uetus Thebæ centum iacet obruta portis. Plinius: Et
Diospolis magna, eadem Thebæ, portarum centum nobilis.

Piscibus.

Aulis urbs, seu portus Bæotiæ, piscibus abundat. Ouid. lib.
12. Bæotaq; tellus Aulide piscosa puppes tenuisset ituras.

Benacus lacus. Petrarcha: Carmine piscoso referens accepta
Benaco. Vbi primam corripuit, quæ à Vergilio producitur.

Gnydos Lyciæ ciuitas. Ouid. lib. 10. Piscosamq; Gnydon,
gravidamq; Amathunta metallis.

Multa sunt in Nilo piscium genera, inter quos numerantur
Lepidothus, Coracinus, Porcus, Phagonus, Silarus, Citharus,
Alosa. Ex testaceis Dilichius, Phiscus, Bosites.

Tanta est in **Thule** insula piscium multitudo, ut ligni loco
comburantur ab incolis.

Gedrosi Indiæ populi (qui Arhim amnem incolunt) fores
in domibus maxillis piscium, & beluarum faciunt, & osibus re-
cta contignant.

Populis arboribus.

Sperchius fluius Thessaliæ. Ouid. lib. 1. Meta. Populifer
Sperchius, & irrequietus Enipeus.

Padus. Ouid. lib. 2. Eleg. Frigidus Eurotas, populiferq; Padus.

Populos nigras, efficacissimas habet **Creta** Insula.

Papyro.

In Lacunis **Nili** nascuntur iunci, ex quorum tenuissimis fi-
suris contextuntur chartæ & uela, & uestes & stragula. Est autè
Papyrus frutex nascens in paludibus Aegypti, aut quiescētibus
aquis Nili. Papyrus ostendit primus in **Aegypto** Alexāder.
De Papyro, Lucanus: Nondum fluminias Memphis contexere
Biblos Cœperat. Ouid. lib. 15. Perq; Papyriferi septemflua flumi-
na Nili. Martialis: Perdite Niliacas Musæ mea damna papyros.

Plinius

Plinius lib. 13. Papyrū (inquit) nascitur in palustribus Aegypti, aut quiescentibus Nili aquis, ubi euagatæ stagnant, duo cubita non excedente altitudine gurgitum. Et paulò pòst: Nuper & in Euphrate nascens circa Babylonem Papyrum intellectum est eundem habere usum chartæ.

Prunis.

Damascus urbs Syriæ optimis abundat prunis, quæ Damascena uocantur. Columel. lib. 11. Armeniisq; & Cæreolis, prunisq; Damasci. Plinius lib. 15. In peregrinis arboribus dicta sunt Damascena, à Syriæ Damasco cognominata.

Pyris.

Plinius ait Crustumina Pyra cunctis esse gratissima.

Abundant & Pyris Calabri, quæ consueuerūt hospitibus apponere. Horat. Non quo more Pyris uesci Calaber iubet hospes. Hinc Adagium, Calabri hospitis Xenia.

Crustumina proxima sunt Falerna, à potu; quoniam tanta uis succi abundat.

Porris.

Aricia urbs Italiæ porris abundat. Martialis: Mittit præcipuos nemoralis Aricia porros.

Tarentum. Idem Martia. Fila Tarentini grauitè redolentia porri.

Plinius ait laudatissimum porrum esse in Aegypto, mox Orchidæ, atq; Ariciæ.

Phasianis.

Phasiani, à Phaside Colchorū fluuio dicuntur, quòd ibi sint frequentes. Laetatiū; Cernitur & mixtam Phasidis inter auem. Martia. lib. 13. Argiua primū sum deportata carina, Antè mihi notum nil nisi Phasis erat.

Paludibus.

Nilus. Statius li. 3. Syl. Vnde paludosi fœcunda licentia Nilii. Rauenna. Silius lib. 8. Lenta paludosa proscindūt signa Rauennæ.

Sicambri populi Germaniæ Rheno proximi, in paludibus habitāt. Propertius: Ille paludosos memoret seruire Sicambros.

Portentis.

Nilus. Stroza fil. Et portentiferi nasset uada noxia Nili.

Pruinis.

Scythia, Riphæi, Caucasus, Strymon fluuius Thraciæ perpetuis rigent pruinis. Vergil. lib. 4. Georg. Aruq; Riphæis

phæis nunquam uiduata pruinis. Claudianus: Caucaſcas captiua bibunt armenta pruinās.

Pharetris.

Creta. Vergil. lib. 3. Georg. Armaq; Amyclæumq; canem, Crefſamq; pharetram.

Cnoſos & Gortyna urbes Cretæ. Luc. 3. Creta uetus populis, Cnoſosq; agitare pharetras Docta, nec Eois peior Gortyna ſagittis.

Cydon urbs Cretæ. Ouid. lib. 8. Meta. Armaq; equosq; habitusq; Cydonæasq; pharetras.

Lycia. Statius lib. 6. Theb. Cætera pars Lyciis gaudet contenta pharetris.

Mediæ, Marullus: Non tot ſpicula Medicis pharetris.

Purpura.

In Melibœa, urbe Theſſaliæ, clauit uſus purpuræ. Vergil. lib. 4. Aeneid. Purpura Mæandro duplici Melibœa cucurrit.

Plinius ait in Laconia purpurâ optimam fieri conſueuiſſe. Horat. Nec Laconicas mihi Trahunt honeſtæ purpuras cliêtes.

Bombycinam ueste texere Pamphila Platis filia in Coop inſula prima doçuit. Martialis: Nec Coæ referunt iam tibi purpuræ.

Tyros. Tibullus: Illi ſelectos certent præbere colores, Africa puniceum, purpureumq; Tyros: Idem: Vellera det ſuccis bis madefacta Tyros.

Sidon & Ancon. Syllius lib. 8. Stat fucare colus, nec Sidone uilior Ancon.

Plinius de Carthagine loquens, Nunc omnis (inquit) nobilitas conchylio, atq; purpura conſtat.

Purpuras piſces habent Sigæum & Lectum Idæ promontoria.

Placentis.

Picentes pane laudâtur, quem conſiciebant ex halicæ materia macerata. Hic ob duriciam frangi non poterat, niſi lacte, mulſo uel molliſus. Martialis: Picentis Ceres niueo ſic neſtare creſcit, Vt leuis accepta ſpongia turget aqua. Pâphilus: Non halicæ panes, non quas tibi terra placentas Picentina dedit.

Pyramidibus.

Pyramides lapideæ fuerunt ſtructuræ in Aegypto, quas reges ſumptu maximo erigebant, aut in oſtentionem diuitiarum, aut in uſum ſepulturæ, aut ad excitandum populi torporem.

Earum

Earum una c c c l x. milibus hominum, uiginti annorum spacio constructa fertur, tanta quidem rerum prodigētia, ut in raphanos, alliū & cēpas (quibus operarii uescebantur) M D C C C. talenta erogata sint. Martialis: Barbaba Pyramyduin fileat miracula Memphis.

Procellis.

Syrtis, Charybdis, Scylla, Malæa, Caphareus, marina dicuntur pericula, procellis frequentibus agitata. Pamphilus, Perq̃ procellosas Syrtes, per saxa Malæa, Per mare, quod rapido uortice Scylla trahit.

Pectinibus.

Pectines pisces sunt lati, quibus abundat Tarentum. Horat. Pectinibus patulis iactat se molle Tarentum. Plin. ait laudatissimos esse pectines Mitylenis, in Aegypto uerò pectunculos.

Pecore.

Phyllos regio Arcadiæ. Sta. lib. 4. Theb. Aptior armentis Mydea, pecorosaq̃; Phyllos.

Tartari populi, quā frugibus careant, pecore tamē abundāt. Et quoniā aquarum sunt pauperes, equinum sanguinem bibunt.

Sclauī regionem habitant adeò feracem, ut bis in anno grauidas habeant pecudes, quæ quater tondentur.

Volaterranus ait Pannoniam pecoribus & uitibus abundare, sed olei pauperem esse.

Orchomenos urbs Arcadiæ, Polymelos à pecoris copia nomen meruit.

Angli pecore abundant, lanisq̃; mollissimis, quoque uerfus exportatis. Viuaria animalium ad tria milia in tota insula cernuntur, inquit Volaterranus.

Pabulis.

Morauia sterilitatem olei, & uini, Pabulorum, frumenti, pecorisq̃; copia abunde pensat.

Erithrea insula Hispaniæ tantæ est fecunditatis, ut oporteat pecudes pabuli copia, excreatione sanguinis purgari: Cuius rei causa, ea finguntur quæ de Geryonis armentis dicuntur.

Plin. ait nihil esse laudatius Germaniæ pabulis.

Pernis.

Pernæ pisces de genere concharum, frequentes sunt circa Pontias insulas.

Psymmythio.

Psymmythium, seu Cerussam parit Rhodos insula.

Pumicibus.

Pumices dicuntur lapides erosi amne, leuigandis corporibus aptissimi. Laudantur in **Melo**, **Scyro**, & **Acoliis** insulis. Reperiuntur & in **Sicilia** nigri coloris.

Persicis.

Persica dicuntur à **Perside** regione his abundante. Habet **Aegyptus** Persicum arborem similem pyro.

Paliuro.

Paliuro arbori **Cyrenaica** regio suam postponit **Loton**.

Prisana.

Prisanae Portioni (cuius laudibus Hippocrates uolumē unum dicauit): bonitas præcipua **Vticensi**. in **Aegypto** fit ex hordeo.

Panico.

Panico cibo præcipuè utitur **Aquitania**. **Ponticæ** gentes nullum panico præferunt cibum.

Portu.

Aulis urbs **Bœotix** portum habuit quingentarum nauium capacem.

Strabo ait **Anthedonem** **Bœotix** urbem portuosam esse.

Munychia urbs **Atticæ** habuit stationem c c c c. nauium capacem.

De **Lycia**, Seneca in The. Tutamq; crebris portubus **Lyciæ** uidet.

Pardis.

Pardos in **Africa**, **Syriæ**q; esse creberrimos, ait **Plinius**. Capiuntur & in regione **Mauritanix**. Sunt & in **Caria** ac **Libya** prælongi admodum, animo imbelles, saltu agiles, pelle adeo dura, ut ferro non cedat.

Pristibus

Pristes pisces sunt in mari **Indico** c c. cubitorum.

Platanistis.

In **Gange** reperiuntur **Platanistæ** pisces x v. cubitorum.

Phœnice.

Phœnicem auem annis 690. uiuentē sola fert **Arabia**. **Claudius**: Hæc fortunat⁹ nimiti **Titanius** ales Regna colit. Solisq; plaga defensus iniqua Possidet intactas ægris animalibus oras.

Palumbibus.

In agrum **Volaterranum** Palumbes quotannis aduolant è mari.

Psytacis

Psytacis.

India Psytacum mittit, auem humanæ uocis docilem. **Claudianus**: - Et si qua loquendi Gnara, coloratis uiridis defertur ab Indis. Nunc etiam aduehuntur ex **Lusitania**, insulisque **Aethiopicis**.

Phaleridibus.

Phalerides aues habet **Parthorum Seleucia**. Aquaticarum laudatissima **Asia**.

Phalocrococoraces aues **Balearium** insularum sunt peculiare.

Pellibus.

Ex **Tana**, **Venetorum** castello, exportantur pelles & mancipia, quæ **Sarmatæ** mercantur, uocantque **Carcasos**.

Panibus.

In **Scolo Bæotia** uico laudatissimi fiebant panes.

Pelamidibus.

Pelamidum piscium copiam habent **Alyzones** populi. **Strabo** ait etiam reperiri in angustiis **Byzantii**.

Peloridaibus.

Pelorides pisces dicuntur à **Peloro** promontorio, ubi scæt.

Peponibus.

In **Campania**, **Pepones** optimi sponte proueniunt.

Petroselino.

Optimum **Petroselinum** ueniebat quodam ex **Macedonia**.

Pœphagis.

Habet **India** pœphagum animal duplo magnitudinem equi excedens.

Perdicibus.

Theophrastus dixit perdices esse in **Paphlagonia** duplici corde.

Palæstra.

Fuerunt **Spartani** clarissimi pugiles, & palæstritæ. **Propert.** Multa tuæ **Spartæ** miramur iura palæstræ.

Aliis rebus.

Parthenium pigmentum habet **Aegyptus**.

Purpurissum colorem **India**.

Panacem herbam **Clitorus** mons.

Panacem unguentum **Arabia**.

Philoginon gemmam, **Porphyritem** lapidem, **Perseam** arborem **Aegyptus**.

Phatagam animal, **Porphyrum** serpentem **India**.

Parnopum auem, Galatia.

Pardialim & Perseum pisces Mare rubrum.

Populo, & diuersis rebus habundat Parrhisiorum Lutetia.

Quercubus.

Chaonia pars Epyri, glandibus abundat, & quercubus. Ouid. lib. 10. Vmbra loco uenit, nō Chaonis absuit arbor.

Dodona sylua Epyri. Val. Flac. lib. 1. Arg. Dodonida quercum Ingredior. Syllius lib. 3. Implet fatidico Dodonida munere quercum.

Ossa mons Thessaliae. Val. Fl. Fleuit ubi Osee captaret mu- nera quercus.

Racemis.

Caecubum oppidum in sinu Caietano, terras habet opti- mi uini feraces. Horatius : Cæcubum, & prælo domitam Caleno Tu bibes uuam.

Tmolus mons Lydiae. Ouid. lib. 4. de Ponto: Africa quot se- getes, quot Tmolia terra racemos, Quot Sycion baccas.

Methymna. Ouid. Gargara quot segetes, quot habet Me- thymna racemos.

Rhombis.

Adria, seu mare Adriaticum. Iuena. Satyra. 4. Incidit A- driaci spacium admirabile Rombi.

Rhombitem Ptolemæus ait esse fluuium post Mæotidem à Rhomborum frequentia nominatum.

Plinius ait Rhumbum Rauennæ esse laudatissimum.

Rosis.

Pæstum oppidum in Lucania bis in anno fructus quosdā, & in his rosas parit. Virg. lib. 4. Georg. Biferiq; rosaria Pæsti. Idem de rosa: Vidi Pæstano gaudere rosaria cultu.

Pangæum quoque montem rosis feracem esset decet Pli- nius lib. 21. cap. 4.

Abundat & Campania optimis rosis, quibus præcipua di- gnatio. His Plinius addit Prænestinam & Miliesiam. est etiam Cyrenis odoratissima rosa.

Resina.

Resina humor est fluens ab arboribus, etiam in eisdem resi- dens. Plautus Aegyptiam probat in Marcatore dicens: Resinam ex melle Aegyptiam uorato, saluum feceris.

Raphanis.

Raphanus herba est seu radix comestibilis, tã frequēs & no- bilis

billis apud **Delphos**, ut ex auro dicaretur, Beta ex argēto, Raptum ex plumbo. Aequat in **Germania** infantum puerorum magnitudinem. In **Aegypto** Raphani sparguntur nitro, ubi sunt suauitate præcipui.

Laciadæ quoq; populi Atticæ raphanorum habent copiam. Apud eos moris erat, ut qui fuisset in adulterio deprehensus, ignominiosas pœnas daret, impactis in pudendam corporis partem raphanis, qui ibidem crescunt mira magnitudine.

Rapis.

Plinius lib. 18. dat palmā rapis, in **Nursino** agro nascentibus.

Reseda:

Reseda herbam collectiones, inflammationesq; decutiētētem habet **Ariminum** magno prouentu.

Riuīs.

Methone urbs riuīs abundat. Seneca in **Troade**: An frequens riuīs leuibus **Methone**?

Serpentibus.

Ophiusa insula dicta est à multitudine serpentum. Ophis enim Græcè serpentem significat. Vnde **Ophiogenæ** populi in **Helleponto**, qui serpentum ictus tactu leuant, & inposita manu, corporis uenena extrahunt.

Mauritania. Horatius: Nec Mauris animo mitior anguib⁹.

Libya. Syllius: Terga damus, Libycisq; parem non esse fate-mur Anguib⁹ **Aufoniam**.

Africa. Horatius lib. 1. Ser. Canidia afflasset peior serpentibus **Afris**.

Sinuessa urbs **Campaniæ**. Ouid. lib. 15. Vultur⁹, niueisq; frequens **Sinuessa** colubris.

Cinyphs fluuius est **Libyæ** inter duas syrtes, capris & serpētib⁹ abundans. Pamphilus: Affer **Cinyphii** caput colubri.

Candej populi oriētales serpētib⁹ uescūt⁹. Vnde & **Ophiophagi** uocantur. Neq; est alia regio earum fertilior. Plinius.

In **India** serpentes in tantam adolescunt magnitudinem, ut solidos hauriant ceruos, taurosq;.

Tanti sunt & apud **Rhindacum** amnem in **Ponto**, ut superuolantes, quamuis altè, perniterq;, alites haustu raptas absorbeant.

Constat apud **Bragadam** fluuium serpentem centum & uiginti pedum longitudinis à regulo intersectum. Quod est argumentum maximos ibidem nasci.

Sulphure.

Nascitur (inquit Plinius) sulphur in insulis **Aeoliis**, inter Siciliam & Italiam. Sed nobilissimum in **Melo** insula. In Italia quoq; inuenitur in **Neapolitano**. **Campano**q; agro, & collibus, qui uocantur **Leucogabi**. Volaterranus ait nunc fossile sulphur esse in agro **Volaterrano**. Nar quoq; fluuius aquas habet Sulphureas. Ausonius: Fluminibusq; Italis præponens sulphureus Nar.

Segetibus.

Apud **Cinyphem** Libye fluuium magna est frugum copia. Vnde Ouid. Cinyphiæ segetis citius numerabis aristas.

Multis testimoniis constat Libyam & Africam segetibus abundare. Mantuanus in Syluis, Vbi Libyæ segetes, ubi Gnosia Vina. Ouid. lib. 4. de Ponto: Africa quot segetes, quot Tmolia terra racemos. Ab hac rerum copia, Cererem Argi Libyssam uocant, autore Festo.

Gargarus mons Phrygiæ. Ouid. Gargara quot segetes, quot habet Methymna racemos.

Scaris piscibus.

Scaros pisces habet **Carpathium** mare. Horatius: Non me Lucrina iauerint conchylia, Magis uel Rhombus, aut Scari: Si quos Eois intonata fluctibus, Hyems ad hoc uertat mare. Eois fluctibus dixit, id est, Orientalibus, propter mare Carpathium. Hunc piscem Optatus Helipertius præfectus classis sub Claudio principe, è Carpathio aduexit. Numeratur autem inter cibos electiles. Varro apud Gellium testis est Scaros **Cilices** omnium esse præstantissimos.

Sagittis.

Sequentia loca incolae habuerunt peritissimos sagittarum. **Creta**. Virgilius in Cyri, Attica Cretæa sternebat rura sagitta.

Lycia. Virgilius lib. 8. Ille mihi insignè pharetram, Lyciasq; sagittas Discedens, pharetramq; auro dedit intertextam.

Cydon urbs Cretæ. Statius lib. 7. Theba. Cydonæas anteibāt gesa sagittas.

Gortyna. Luca. libro 6. Dictæa procul ecce manu Gortynis arundo. Idem: Nec Eois peior Gortyna sagittis.

Dictæ. Syllius lib. 13. Dictæa per auras Tranat, & in medium perlabitur urbis arundo.

Parthia. Mantuanus in Alphonso: Nec Parthica tanto Agmine per cœli nubem se fundit arundo. Hac ratione Catullus

Part

Parthos uocat sagittiferos.

Erithra, seu **Erithræ**. Sidon. Fortè sagittiferas Euam populus **Erithras**. De Oriëntalibus populis Val. Flaccus lib. 5. Quos neq; Iber, neq; tuta suis aurora sagittis Sustinet. Per auroam intelligit Orientales.

Sarissis.

Sarissæ dicuntur hastæ **Macedonum**. Ouid. lib. 12. Qui clypeo gladioq; Macedoniaq; Sarissa. Lucan. lib. 8. Primi Pellæas arcu fregere Sarissas.

Smaragdis.

Smaragdo gemma uiridi, & oculorum aciem recreante abundant **Erithra**, & **Scythia**. Claudia. Inter Erithræos surgentia colla smaragdos.

Reperitur etiâ in **India**, & Cypri ærifodinis. Plinius ait Aegyptiorû, Scythicorumq; smaragdorû tantam esse duritiem, ut nequeant uulnerari. Ait & Scyticos omnium esse nobilissimos.

Sistris.

Sistrum tinnulum est instrumentum ab Aegyptiis repertû, quo utebantur in sacris Isis, unde Sistrati Aegyptii dicuntur. Mart. Linigeri fugiunt calui, sistrataq; turba. Ouid. lib. 3. Eleg. Quid nunc sacra iuuant, quid nunc Aegyptia profunt Sistra?

Saccaro.

Saccarum dicitur mel in arundinibus collectum instar gummi candidum, & dētibus fragile. Saccarum autem fert **Arabia**, sed laudatius **India**.

Stanno.

Cassiterides decem sunt insulæ in Hispania, ex quibus effoditur Stannum, quod Cassiterum appellatur. Diodorus ait uenam stanni esse in Britannia, iuxta Helenum promontorium, quod nunc **Cornubiam** uocant.

Saxis.

Mantuanus **Apeninum** saxosum, Pamphilus **Ceraunia** scopulosa, Calenius **Pelion** lapidotum uocant, quod eo loca saxi abundant.

De **Eryce** monte Sicilia. Seneca in **Medæa**: Quæcunq; generat inuius taxis Eryx.

Stamine.

Pergamus Attali regia, **Memphis**, & **Babylon** urbes ingeniose fuerūt in texēdis staminib⁹. Politianus in Rust. Textile nec tenero subtegmine fulgurat aurû, Spirantes referēs uultus,

rus, quæ Pergamos olim Artifici descripsit acui, quæ stamina Memphis, Quæ Tyros & Babylon radio pinxere sonanti.

Sale, & Salinis.

Hammanientes Cyrenaicæ regionis populi domos sale montibus suis exciso, ceu lapide construunt.

Sunt etiam in Saxonîa Salinæ uberrimæ, & argentifodinæ ab Othone primò inuentæ.

Alos urbs Achaicæ, à sale ibidem reperto meruit nomen.

In Ormeno monte Indiæ quum sal eruitur, & instar lapidis exeditur, fertur postea renasci mira ubertate.

Apud **Cyprum** sal hammoniacum dicitur, quod in arena reperitur.

Bisuntium, urbs est Burgundiæ, in cuius agro duo sunt fontes, alter aquæ dulcis, alter undè sal igne densatum conficiunt, eandore præstans, & maximum eius gentis uestigal.

Tarentini sale abundant candidissimo, atq; fossili, què Plinius ait esse omnium suauissimum.

Apud **Bactros** amnis Ochus, & Iaxartes ex appositis montibus deferunt salis ramenta.

Sunt & in **Africa** lacus turbidi salem ferentes.

In **Carris** Arabiæ oppido muros domosq; massis salis faciunt, aqua ferruminantes.

Salicibus.

Ameria urbs Umbriæ fuit quondam salicibus ferax. Verg. Atq; Amerina parat lentæ retinacula uiti.

Setabo.

Setabum genus est lini, sudariis aptissimi, & tenuitate præcipui, quo abundat Hispaniæ urbs **Serabis** nomine. Catullus: Nam sudaria Setaba ex Iberis miserunt mihi muneri Fabullus & Verannius.

Sparto.

Spartum herba est in Hispania frequens, qua optimum etiam conficitur linum. Strabo ait in Hispania campum esse **Spartarium**, à Sparti multitudine nuncupatum.

Scombris.

Scombraria insula est, uel promontorium contra Africam, scombris piscibus abundans. Vnde nomen tractum.

Saliunca.

Saliuncam herbam breuem & foliosam multæ suauitatis gignit Pannonia, & Norica.

Suib

Suibus.

Sues in **Arcadia** adeò saginantur, ut **Plinius** scribat **Soricem** in corpore cuiusdam præpinguis nidificasse.

Struthiocamelis.

Struthiocameli aues sunt in **Africa**, & **Aethiopia**, tantæ magnitudinis, ut altitudinem hominis insidentis equo superet, & celeritate uincant.

Salmonibus.

Salmo fluuiatalis in **Aquitania**, præfertur marino.

Sampsuco.

Sampsucus herba est **Mitylenis** plurima, qua optimum conficitur oleum, quod **Sampsucinum** dicitur.

Speculis.

Optima specula olim fiebāt **Brundusij**, stāno & ære mixtis. Autor **Plinius**.

Signis.

Rhodi lxxiiii milia signorum fuisse, **Mutianus** apud **Plinium** testis est.

Sinopide pigmento.

Sinopsis primùm inuenta est in **Ponto**, Inde nomen à **Sinope** urbe. Nascitur in **Aegypto**, **Balearibus**, **Africa**, sed optima in **Lemno** & **Cappadocia**.

Siliqua.

Siliqua arbor nascitur frequens in **Syria**, **Ioniacq;**, & circa **Gnydon**, atq; in **Rhodo** semper comantibus foliis.

Syluis.

Mare rubrum, & totus **Orientis Oceanus** refertus est syluis.

Tylos quoq; insula maris **Persici**, quæ spectat **Orientem**.

Subere.

Suber præcipuè nascitur circa **Elidem**, aut **Spartam**. **Plinii** temporibus nascebatur in **Italia**.

Scirpis.

Mauri mapalia sua tegunt **scirpis**, tanta eorum multitudine affluunt. His & nautæ in **Pado** uelificant.

Stipulis.

In **Leborino** **Campaniæ** agro tanta est stipularum crassitudo, ut eis ligni uice utantur.

Serpillo.

Plin. lib. 9. ait, montes **Thraciæ** scatere **serpillo**.

Spong

Spongiis.

Spongiz molliissimæ sunt circa Lyciam, In Helleſponto asperæ, Denſæ circa Malæam.

Aliis rebus.

Sarcocollam parvæ arboris lacrymam habet Persis.

Sandaracam pigmentum, Topazos siue Topazonos rubri maris insula. Selenitem gemmam Arabia. Sesamum frugem India. Syroperdicem avem perdice minorē, Antiochia. Synthicen herbam Bœotia. Stœchadem herbam odoratam Stœchades insulæ.

Syderitem gemmam Arabia. Silurum piscē Nilus. Scorpiones, Africa.

Terebinthis.

ORicos, seu Orithos ciuitas est iuxta Epyrum, abundans Terebintho arbore, quæ propterea uocatur Orithia. Verg. lib. 10. Inclusum buxo, aut Orithia Terebintho Lucet ebur.

Syria quoq; habet Terebinthum, maximè in Damasco.

Talpis.

Talpis scatet tota Eœotia, præterquàm Coronea urbs, ubi nec gignuntur, nec allati uiuunt.

Plinius ait talpas in Orchomeno cuncta subruere.

Thure.

Sabæa regio Arabiæ, & tota ferme Arabia abundat thure. Plinius: Sabæi Arabum propter thura clarissimi. Val. Flac. li. 6. Argon. Hac quoq; thuriferos felicia regna Sabæos. Vergilius lib. 1. Aeneid. Centumq; Sabæo Thure calent aræ. Idem: India mittit ebur, molles sua thura Sabæi.

Minæi Arabiæ populi, primi commercium thuris fecere, maximeq; exercent.

Abundat etiam thure Panchaia regio Arabiæ. Lucr. lib. 2. Aræq; Panchæos exhalat propter odores.

Thure quoque nobilis est Libanus, mons Phœnicia. Ausonius: Florum spirat odor, Libani ceu montis honor thus.

Topazio.

Topazio lapide precioso abundat Topazios insula maris rubri, à qua & nomen sumpsit. Reperitur & in Arabiæ insula, quæ Chytis uocatur.

Testudinibus.

Scribit Plinius in Taprobane insula tantam plerisq; in locis testudinum reperiri multitudinem, ut earum superficie con-

tegantur.

tegantur habitantium familiæ.

In Carmaniæ angulo sunt Chelonophagi (inquit Plinius) testudinum superficie casæ tegentes, & carne uescentes. Sūt & in Africa pluriinæ.

Testudines tātæ magnitudinis habet Indicum mare, ut singularum superficie habitabiles casæ integantur, atque inter insulas rubri præcipuè maris, his nauigant cymbis.

Troglodytæ cornigeras habent, ut in Lyra annexis cornibus latis, sed mobilibus, quorum in natâdo, remigio se adiunāt.

Tædis.

Tæda arbor, nuptiis quondā sacra frequēs est in Calabria.

Thapsia.

Thapsia ferula syluestris, nomen sumpsit à Thapso insula, in qua abundat.

Tigribus.

Reperiuntur tigres in India apud Prassos populos, magnitudine duplici, quàm sit Leo. Iuena. Indica Tigris agit rabida cum Tigride pacem.

Sunt & frequentes in Hyrcaniâ, & Armeniâ, quæ propterea Hyrcanæ & Armeniæ dicuntur à poëtis. Vergilius: Daphnis & Armenias curru subiungere Tigres Instituit.

Dicuntur & Gangeticæ à Gange. Ouidius lib. 6. Meta. Nec mora traxit Ityn, ueluti Gangetica ceruæ Lactentem fœtū per syluas Tigris opacas.

Eadem ratione dicuntur Caucasæ, à Caucaso monte Scythiæ. Syllius: Caucasæam lustrans uirgato corpore Tigrim.

Et Caspiæ, à Caspia Scythiæ regione. Claud. Si tu sancta Ceres, & te non Caspia tigris Edidit.

Parthicæ à Parthia. Idem: Quem Parthica tigris uelat.

Prope Niphatem Scythiæ fluuium sunt etiam tigres. Sido. Aut ut Tigriferi pharetrata per arua Niphatis.

Tarandis.

Tarandum animal tauri magnitudine, & pelle uersicolore (qua scuta fiunt) fert Scythia.

Torsionibus.

Torsio piscis est similis Delphino, præterquam rostro. Hunc gignit mare Ponticum.

Thrissis piscibus.

Thrissas in Tyberi fluuio laudatissimas reperiri scribit Plinius. Has in Aegypto circa Meroæ stagnum, coloni flebilibus

libus numeris escæ uice deceptas expiscantur.

Thynnīs.

Strabo ait Thynnos pisces miræ magnitudinis in Hispania reperiri, eosq; glande uesci prodit.

Thriciis.

Thriciæ pisces sunt frequentes in Istro, ex quo quum in mare uenerunt nunquam postea remeant.

Thymallo.

Thymallum piscem magnitudine cubitali gignit Ticinus Italiæ fluuius.

Tuberibus.

Tubera poma, seu cibi in magnis olim deliciis fuerunt. Asiæ nobilissima extitere circa Lampfacum, & Alopeconesum. Græciæ uerò circa Elidem. Præstant Africana. De his Martia. Rumpimus altricem tenero de uertice terram Tubera: Boletis poma secunda sumus.

Tela.

Ausonius telam cōmendat Persicam, ubi ait: Laudet Achæmenias Oriëtis gloria telas, Molle aurū palliis Græcia texe tuis.

Commendatur Aegyptia ob præcipuam lini bonitatem, uel quòd multis liciis (quæ polymita dicuntur) texere docuerint. Lucanus lib. 10. Vt mos est Phariis miscendi licia telis.

Setabis urbs Hispaniæ tela claruit. Syllius lib. 3. Atq; alrix celsa mittebat Setabis arce, Setabis & telas Arabum spreuisse su perbas Et Pelusiaco filum componere Nilo.

Tauris.

Clitumnus fluuius est Vmbriæ, cuius aqua pota candidos boues (qui ibidem sunt frequentes) reddit. Statius lib. 1. Syl. Aut præstent niueos Clitumna noualia tauros.

Meuania oppidum est Vmbriæ, Clitumno fluuiò propinquum, ferax taurorum & armentorum. Lucan. lib. 1. Est qui tauriferis ubi se Meuania campis Explicat.

Taxus.

Taxus arbor est feralis, baccas proferens uenenatas, à qua toxicum uelut taxicum appellatur. Frequens est in Hispania & Corsica. Vnde Vergilius: Sic tua Cyrneas fugiant examina taxos. Plinius ait, Arcadiæ taxos tam præsentis esse ueneni, ut si quis sub iis dormiat, cibum ue capiat, statim moriatur.

Tapetibus.

Alexandria & Assyria tapetibus claruerunt, qui inde Assyrii

Assyrii & Alexandrini uocantur. Statius lib. 2. Thebaid. Fuderat Assyriis extincta tapetibus alto Membra thoro.

Thermis.

Baiæ ciuitas est Campaniæ, in cuius agro calidæ sunt aquæ ad uoluptatem, & uarios morbos aptissimæ. Vnde & thermæ Baiarum celebratæ sunt.

Tragoni, & Trogete.

Tragonis, seu **Rhagion**, herba nascitur in **Creta** tantum insula in maritimis, Iunipero similis, & semine, & folio, & ramis.

Trogetes arbor nascitur in inferiore **Cyrenaiscæ** parte.

Thymo.

Thymus, seu **Thymum**, herba est apibus gratissima, qua abundant **Hybla** & **Hymettus**, Vergil. in Buc. Nerine **Galatææ**, thymo mihi dulciôr **Hyble**. Mart. lib. 5. **Hyblæis** madidas thymis placentas.

Tritico.

Plinius ait **Bizantium** Africæ campum centenos quinquagenos tritici modios reddere, aitq; missa Augusto ex uno grano quadringenta paucis minus germina, & c c x l. stipulas **Neroni** ex uno grano.

Cum centesimo quidem & **Leontini** Siciliæ campi fundût, Sunt imprimis feraces tritici tota **Betica** & **Aegyptus**.

Tribulis.

Thracia tantam habet tribulorum copiam, ut eorum foliis equos saginent, qui ad **Strymona** habitant.

Tragelaphis.

Tragelaphi animalia iuxta **Phasim** **Colchorum** amnem, nec alibi nascuntur.

Turdis.

Idem ait **Turdos** frequentes in **Germania** cerni, maxime hyemis tempore.

Vasis.

Habet **Samos** insula figulinum lutum, conficiendis uasis (quæ in æsculentis laudantur) aptissimum. unde **Tibullus** libro 2. At tibi læta trahant Samiæ conuiuia testæ.

Cumæ quoq; ciuitas Campaniæ uasis olim terreis gloriabatur. Idem **Tibullus**: Fictaq; Cumana lubrica terra rota.

Corinthus urbs Græciæ, prima toroumarum, uasorumq; luxuriam cõmentata est, quæ **Corinthia** propterea dicuntur, & eorum amatores **Corinthiarii** **Suetonius** in Augusto: Pater argentarius

tarius, ego Corinthiarius. Statius: Aeraq; ab Isthmiacis auro potiora metallis.

Venenis, & herbis uenenatis.

Abundat uenenis, & herbis ueneficis **Theffalia**. Tibullus lib. 2. Quicquid & herbarū Theffala terra dedit. Propertius li. 1. Et bibere è tota toxica Theffalia. Luca. lib. 6. Theffala quinetiā tellus herbasq; nocentes Rupibus ingenuit. Ouid. libr. 3. Nam mea Theffalico languent deuota ueneno Corpora.

Pontus quoq; ueneficis abundat herbis. Vergil. in Buc. Has herbas, atq; hæc Ponto mihi lecta uenena, Ipse dedit Mœris, nascuntur plurima Ponto.

Colchos, & Iberia sunt etiam feraces ueneni. Horatius: Herbasq; quas Colchos & Iberia Mittit uenenorum ferax.

Scythia. Statius lib. 4. Thebaid. Et Scythicis quoties armata uenenis Colchis aget.

Athrax urbs est Theffaliæ, itidem ueneni ferax. Valerius Flaccus lib. 6. Argon. Quamuis Athracio Lunam spumare ueneno Sciret.

Citea urbs fuit Colchorum, ueneficiis famosa. Propertius lib. 1. Tunc ego crediderim uobis & sydera, & amnes Posse Citæinis ducere carminibus. Vnde & maga Citæis ab eodem uocatur lib. 2. ubi ait: Non hic herba ualet, non hic nocturna Citæis, Non per Medææ gramina cocta manus.

Phasis fluuius Colchorum. Ouid. Quid te Phasiacæ iuuerūt gramina terræ?

Vellere.

Seres populi sunt orientales, apud quos arbores sunt, non folia solum, sed lanam quoq; tenuissimam proferentes, ex quarum frondibus, caniciem depectunt aqua perfusam, & ex uellere uestimenta conficiunt, quæ uocantur Serica. Vergil. lib. 2. Geor. Velleraq; ut foliis depectūt tenuia Seres. Propertius lib. 1. Quid releuant uariis Serica textilibus?

Miletus urbs Ionæ, Lanarum & uellerum præstantia, magnam quoq; meruit laudem. Martial. Nec Miletus erat uellere digna tuo. Horatius lib. 1. Epist. Alter Mileti textam cane peius & angue Vitabit chlamydem. Vergil. lib. 3. Georgi. Quamuis Milefia magno Vellera mutantur, Tyrios imitata colores.

Vestibus.

In **Pellene** Achæiæ ciuitate diuersæ uestimentorum formæ fieri consueuerunt. Vestes Pellenicæ adeo nobiles fuerunt, ut
in lu

in Iunonis ludis ac certaminibus, uictori Lacerna Pellenica premii uice daretur.

Vlmis.

Pteleō urbs Thessaliæ, nomē habuit ab ulmorū frequentia.

Vitulis.

Sunt qui uelint **Italiam** à taurorū, boum, uitulorumq; multitudine & præstantia nominatam. Græci enim (inquit Gellius) Italos uocant uitulos.

Vrbibus.

In **Creta** insula centū fuerunt urbes. Ouid. lib. 6. Fama noui centum Cretæas forsitan urbes Impleffet monstri. Idem in Epistola. Non ego te Crete centū digesta per urbes Aspiciam.

Aegyptii regnante Amasi uiginti milia urbiū habitauerūt.

In **Bactrianis** mille urbes fuerūt, In **Italia** septingentæ.

Tarraconensis Hispania continet oppida CCXXXII.

Polybius scribit trecentas **Celtiberorum** urbes à Tiberio Graccho expugnatas.

Viuariis.

Viuaria animalium (inquit Volaterranus) ad tria milia in tota **Britanniæ** insulâ cernuntur.

Vrtica pisce.

Vrtica piscis adhærens scopulis frequens est in **Chalcidæ** **Euboia**.

Vnguētis.

Vnguētum Rosaceum optimum est apud Phaselidē, Neapolim, & Capuam: Crocinum in Sicilia, & Rhodo: Nardinum, apud Tarsum: Oenanthinum & Omphacinum apud Cyprū: Adramictinum, Amaranthinum, Coum, Melinum, Metopium, Mendesium, in Aegypto: Iridis optimum apud Elidem. Fuit & Agathusa insula unguento nobilis, una earum, quæ Sporades dicuntur. Item Syria. Propertius libro 2. Quum dabitur Syrio munere plenus onyx.

Antiquitus laudatissimum fuit unguentum in Delo insula. Terrarum omnium accommodatissima unguentis est Aegyptus. Ab ea Campana est proxima copia rosæ. Bathylli populi, Cyprii, Cyxiceni, Corinthii, unguentis madent.

Vrsis.

In **Mysia** ursi sunt albi tanto infecti ueneno, ut canes uenâtes solo afflatu perimant.

f

Apud

Apud Rhoxolanos & Lituanos maximi capiuntur ursi, qui mansuefacti regibus sunt in deliciis:

Vris.

Vri animalia sunt magnitudine tauri, quæ in Germaniæ syluis reperiuntur.

Vlulis.

Vlulæ in Borsippa, Assyriæ ciuitate, miræ magnitudinis, accibo expetitæ inueniuntur.

Ventis.

Gonoëssa, Aetoliæ ciuitas, perpetuis ventis agitur. Seneca in Troade, An carens nunquàm Gonoëssa uento.

Vnionibus.

Vniones gemmæ reperiuntur in Gange. Mantuanus: Vnioq; ingenti candens Gangeticus orbe.

Vitro.

Plinius ait Sidonem uitri officinis quondam fuisse nobilē. Idem lib. 5. Sidonem uocat uitri artificem.

Vitra fiunt in India è crystallo. Et ob id nullum comparatur Indico.

Vnedonibus.

Iuba apud Plinium testis est Vnedones arbores esse in Arabia quinquagenum cubitorum altitudine.

Vicis.

Habit insula Taprobane uicos 700. quos pagos dicimus.

Vulturibus.

Vultures nō aliorum dicuntur Caucaei, quàm quod in Caucaso abundant. Vergilius in Buc. Caucasasq; refert uolucres, furtumq; Promethei. Hinc orta poetarū fabula de Prometheo, quem ibidem rodi à uulture fabulantur.

Vlua.

Padusa fluuius Rauennæ uicinus plurimū habet ulæ. Mantuanus: Et uluiparæ tellus uicina Padusæ.

Vino, & uitibus.

Tmolus mons Lydiæ, Falernus, & Massicus Campaniæ, Aulon Calabriæ, optime abundant uino. Tmolus: Syllius libro 7. Atque ex illo tempore diues Tmolus. Ouidius libro 6. Metamorpho. Deseruere sui nymphæ uincta Tmoli. Falernus. Varro: Quod far comparandum Campano? Quod triticum Appulo? Quod uinum Falerno? Tibullus: Nunc mihi fumosos ueteris proferte Falernos. Massicus: Horatius, Est qui

qui nec ueteris pocula Mafsici. Vergilius lib.7. Vertunt felicia Baccho Mafsica. **Aulon** : Horatius, Et amicus Aulon Fertilis Baccho minimum: Falernis Inuidet uuis. Martialis : Nobilis & lanis, & Baccho fertilis Aulon, Det pretiosa tibi uellera, uina, mihi.

Gaurus quoq; mons Campaniæ, uirum habuit laudabile, ut Falernus.

Commendatur & uinū **Lesbium**. Propertius lib.1. Lesbia Mentoreo uina bibas opere. Horatius : Hic innocentis pocula Lesbii Duces sub umbra. Aristoteles (ut scribit Gellius libr.12.) ægrotans gustato uino Rhodio, inquit, Firmum hercle uinum, & iucundum. Degustato inde Lesbio, Vtrumq; inquit, oppido bonum, sed suauius Lesbium.

Methymna ciuitas fuit in Lesbo, uini bonitate nobilis. Verg. lib.2. **Georg.** Quā Methymnæo carpit de palmito Lesbos. Syllius lib.7. Ac Methymna ferax, Latiis cessere Falernis.

Cæcubum oppidum Campaniæ commendat etiam uini bonitas. Martialis: Cæcuba Fundanis generosa coquantur amicis. Hora. Cæcubum, & prælo domitam Caleno Tu bibes uinū.

Fuit & in **Caleno** urbe Campaniæ uinum generosum. Inuenalis : - Quæ molle Calenum Porrectura uiro miscet sitiente Rubetam.

Formiæ urbs iuxta Caietam, antiqua Læstrygonum sedes, fuit nobilis uino. Hora. Mea nec Falernæ Temperent uites, neque Formiani Pocula colles.

Setina urbs Campaniæ superbit etiam uini bonitate. Martialis lib.4. Tu Setina quidem semper, uel Mafsica ponis.

De **Surrento** Campaniæ oppido, Martialis: Surrentina bibis, nec Myrrhina picta, nec aurum Sume, dabunt calices hæc tibi uina suos.

Habuit & prædulces uuas **Alba** urbs Italiæ. Martialis: Hoc de Cæsareis mitis uindemia cellis Mittit, Iulæo quæ sibi monte placet.

Fundanum etiam commendatur à Fundis oppido Campaniæ. Martialis. Hæc Fundana tulit felix Autumnus opimi.

Messana urbs Siciliæ, à Mamertinis Campaniæ populis habitata optimum ferebat uinum. Martialis : Amphora Nestorea tibi Mamertina senecta Si detur, quod uis nomen habere potest. Plinius: Quartum curriculum obtinere publicis epulis à diuo Augusto Mamertina, circa Messanam in Sicilia genita.

Chios insula maris Aegei, & **Aruissium** in ea promontorium laudantur uini praestantia. Syllius lib. 7. Et Ambrosius Aruissia pocula succis.

Veientum Ethruriae oppidum. Horat. Qui Veientanum festis potare diebus. Martia. lib. 2. Veientana tuam si domat uua firim.

Aminaei populi fuerunt, ubi nunc est Falernus, quorum regio Aminaea dicebatur uini feracissima. Verg. li. 2. Georg. Sunt & Aminae uites firmissima uina.

Thasus insula maris Aegei uinum habuit laudabile. Verg. lib. 2. Georgic. Sunt Thasiae uites, sunt & mareotides albae.

Mareotis pars Aegypti itidem. Horat. Mentemque lymphatam Mareotico Redegit in ueros timores. Statius lib. 3. Syl. Sparfit Tyrrhenae Mareotica uina Mineruae. Hoc uinum durat in longam uetustatem.

Naxos insula maris Aegaei, à fertilitate uini Dionysia dicta est. Vnde Pontanus uitigenam eam appellat, dicens: Hanc post uitigenam spaciante littora Naxi, Bacchicam Statius lib. 4. Achil. Lemnos, & à tergo decrescit Bacchica Naxos.

Maronaea urbs Ciconum laudata est uino, quo Vlysses inebriauit Polyphemum. Tibullus: Victa maronaeo foedatus lumina Baccho.

Methone quoque urbs in Thracia, nomen habuit à uini copia. Nam Methin Graeci ebrietatem uocant.

Tarraco in Hispania, etiam uino claruit. Syllius lib. 3. Dat Tarraco pubem Vitifera, & Latio tantum cessura Lyæo.

Vina apud Graecos celebrata fuisse Prannium Cereri sacrum, Chium, Thasium, Lesbium, Creticum, & apud Syracusanos Polium, Coum, denique & Rhodium.

Celebratur & alia pleraque loca uini bonitate, quae omnia longum esset recensere. Propterea summam subiiciamus, quod in compendium redeimus ex Plinio lib. 14. cap. 10. Augustus (inquit) Setinum praetulit cunctis. Antea Cecubo erat generositas in palustribus populeis. Secunda nobilitas agro Falerno. Nasceitur Gauranum in summis collibus, mediis Faustinum, imis Falernum. Albanæ uuae sunt praedulces. Surrentina in uineis tantum nascuntur, conualescentibus maximè probata propter tenuitatem, salubritatemque. Nam quae spissa sunt, non adeo prosunt morbis. Surrentino medici nobilitate dabant. Certant Malsica eque ex monte Gaurano. Praeponuntur Calena, & quae in uineis arbustisque nascuntur, Fundana. Augustus probauit Mamertina, circa

circa Messanā Siciliæ genita. Potulana ab autore dicta etiā laudantur, Retica Falernis tantum posthabentur à Vergilio. Hetruriæ palmam Luna habet, Liguriæ Genua, inter Pyrenæū Alpesq; Mafsilia. Hispaniarum Laetana, copia nobilitantur. Elegantia uerò Tarraconensia, atq; Lauronensia, & Balearica ex insulis, Italiæ primis conferuntur. In summa gloria fuere Thasiū, Chiumq;. Ex Chio, quod Aruissium uocant. Item Lesbium, quod sponte naturæ suæ mare sapit. Gratia est & Clazomenio.

Quid autem de Gallicis dicendum? De quibus ueteres nihil ferè scriptum reliquerūt, ne alienæ gentis gloria suā ipsi deprimerent. Existimabant, fuliginē, & tenebras suis inducū iri, si de nostratibus uerba facerent. Sciebant enim terrā Gallicā populi uirtute omniū præstantissimā, uini quoq; gloria non esse inferiorē, imò & feliciore multò. Propterea hoc uelut conniuentes prætermiserunt: quam tamen sit in confesso Belnēsibus, Niuernis, Andegauensibus, Aurelianis, Parrhisinis meliora non reperiri, etiam si exotica omnia conferre libeat.

Sed iam nostræ copię finem faciamus. Nam tametsi cursim omnia, & uelut per transennam attigerimus, remq; omnem leui (quod aiunt) brachio excusserimus, satis tamen hæc ipsis etiam literarum helluonibus fore confido. Quod si quis rem parum accurate dicat curatam, curet curiosus. Habebit saltem, ubi doctrinæ suæ, & eloquentiæ neruos exerceat.

LOCA DIVERSIS

REBUS CAREN-

T I A.



ONGR VVM uidetur, ut rerum copiam subsecutur penuria. Propterea paucis narrare constitui, quibus locis quæq; res desint, ut animi pascatur uarietate, quæ tantum uoluptatis cōsuevit parere, quantum ciborum diuersitas, mēsis. Sed iam hanc rumpamus glaciem, & iter aperiamus lectori.

Insula est Carthaginem uersus, Gaulegalata nomine, cuius terra Scorpionem dirum animal Africa necat.

Dicuntur & in Clupea emori scorpiones.

Nilus unus omnium fluuiorum nullas expirat auras. Plinius.

Sigaros Arabiæ est insula, quam canes non intrant. Expositiq; circum litora, errando moriuntur.

Tentyræ insulæ Crocodili non adnatant, olfactuq; incolarum,

rum, serpentes fugantur.

Ceruos Africa propemodū sola non gignit, nec etiā urfos.

Asinis(quod sint frigoris impatientes)carent Pōtus, & Scythia regiones frigidissimæ.

In **Arabia** Suillum genus non uiuit in ullo genere, maxime in regione Scænitæ populorum.

Mustellæ in **Bœotiam** Lebadiam illatæ, solū ipsum fugiūt.

In **Ithaca** lepores illati moriuntur extremis quidem in litoribus.

In **Ebuso**, Cuniculi non sunt.

In **Olympo** Macedoniæ monte non sunt lupi. Lupos quoque non gignit **Angliā**, nec aliunde aduectos nutrit,

In **Creta** insula non sunt uulpes, nec ursi, nec ullum omnino maleficum animal præter Phalangium. Item non sunt Cerui, nec apri, nec Attagenæ, nec Erinacei.

Plinius ait in **Africa** nec esse apros, nec ceruos, nec capreas, nec urfos.

Idem ait Cornicem nunquam **Athenis** aspici.

Hirundines **Thebarum** tecta non subeunt, quoniam urbs illa sæpius capta sit. Nec **Biziæ** in **Thracia** cernuntur, propter scelera **Thesei**.

In **Creta** insula non sunt Noctuæ, & si qua inuecta sit, emoritur. **Rhodos** aquilam non habet.

Larius lacus est **Italiæ** **transpadanæ** ad quem **Ciconiæ** non transmeant.

In **Fidenate** agro iuxta **Romam**, **Ciconiæ**, nec nidū faciūt.

Picus Martius negatur esse in agro **Tarentino**.

Perdices non transuolant **Bœotiæ** fines in **Attica**.

Nō est ulla auis in **Pōto** insula, in qua sepultus est **Achilles**.

Cerasi in **Aegypto**, nulla cura unquam potuere gigni.

Hedera non nascitur in **India**, nisi in monte **Mero**.

In **Aegypto** & **Syria**, reges inopia abieris, cedro ad classes feruntur usi.

Magudaris non prouenit in **Cyrenaica** regione.

Thymum herbam apibus gratissimā non habet **Archadia**.

In **Carina** monte **Cretæ**, muscæ non reperiuntur.

Templum quoq; **Herculis**, **Romæ** non ingrediebantur.

In **Aegypto** non nascitur **Hebenus** arbor.

Tinæ in **Thracia** & **Phrygia** non nascuntur.

India neque æs, neq; plumbum habet, sed gemmis suis, ac marga